



攻媿先生文集卷七之一

今體詩

四明樓

鑰大防

姚江高風閣

邑有嚴先生墓

不從文叔作三公
歸着羊裘大澤中
石瀨釣臺非故地
雲山江水自高風
烟迷宿草古遺恨
樹擁危樓新奏功
仙馭飄飄疑不遠
翩然獨鶴度寒空

夜坐

重雲烟雨日冥冥
柱礎流津意未晴
賴得豁風

送雲出放開山月照人明
紛紜世態長松影荏苒
時光流水聲坐久蕭然轉
琴軸為君更作九皋鳴

山陰道中
昨望山陰古道中
戴山直上最高峯
今朝更踏山陰道
卻向雲間認八松
捲上疎簾莫放垂
迎眸景色自淋漓
有雲更覺千山秀
不雨爭知萬壑奇
古道經行盡遺跡
羣賢風度想當時
奚囊莫怪新篇少
應接山川不暇詩

蘭亭別于果鄉

山陰岩潤妙人寰
十載扁舟空往還
贊府端能慰牢落
連朝相與上孱顏
龍盤鳳翥無奇畫
霞蔚雲蒸有舊山
弔古淒涼更離別
滿懷秋思到眉間

早行

水餘枯枿尚棲苴
催促征夫趁曉鴉
細路繚山穿亂石
輕輿掠樹得飛花
柔桑彌望兩三里
脩竹深藏四五家
徑處不容行客戀
可憐一步一天涯

水漲乘小舟

一番凍雨洗郊邱冷逼征衫四月秋只喜青山
瀉懸瀑不知黃潦漲平疇登途已厭頻輿轎得
意何妨且榜舟處順安貧聊自適未應坎止愧
來流

繡川道中

伏波莫作賈胡留兩意重垂未肯休不憚征衫
有微濕只愁平地又橫流行人自厭衝泥苦野
老方當得意秋倦僕如何致千里登天徒笑傳
鳴鳩

過蘓谿

處處谿環舍家家石累墻有時逢老稚無事只
耕桑野色撩詩思村醪引醉鄉山川已如許急
雨更斜陽

東陽遇雨

萬壑千岩已飽看更尋佳處為開顏無端早上
一番雨遮盡東陽縣裏山

即事

雨外山光淡烟中草色鮮斷橋依古岸流水自
斜川紫椹餘桑表青藤遶樹顛人情兼物態只

合付天然

荆坑道中

古澗隨山轉，征人趁水行。
懸崖當步險，空翠逼人清。
石路無尋直，沙田不畝平。
千岩得一二，亦足慰平生。

馮公嶺

百級山田帶雨耕，驅牛扶耒半空行。
不如身倚市門者，飽食豐衣過一生。

括蒼烟雨樓

莫為看山只凭欄，遠懷猶恨兩山間。
坐深卻得

無窮趣，祇看平川一半山。

晚步少微閣

落日謝虛閣，橫琴相對間。
片雲將急雨，一筇失

前山。

夜坐燒香臺

長晝苦炎熱，夜分涼始生。
電中千嶂立，琴外一聲鳴。
急雨催詩思，遙空答鼓聲。
誰知不府地，得此意淒清。

即事

睡重不知曉，山高意得秋。
風來已落葉，潦去忽

中洲幽閨素所願登臨儘自由
頻溪千萬壑何日上扁舟

小雨

好風先雨到危欄
卻送殘雲過別山
不用開襟強披拂
自然涼意滿人間

烟雨樓夜坐

暮靄橫空黯未收
晚來涼動滿懷秋
淡雲影裏千山月
殘角聲中百尺樓
參坐共為文字飲
高談不見古今愁
夜闌半醉意方遠
徑欲乘風汗漫遊

晚自擬滌亭轉
烟雨樓聽角
兩寺疏鐘夾岸聞
荒烟無數亂前村
山銜落日雲生彩
谿溜孤舟水不痕
蟲羽淒淒鳴綠暗
星暉隱隱照黃昏
欲歸重到層樓上
更為梅花一斷魂

重陽

佳處逢佳節
寧辭望眼勞
有樓皆眺遠
無日不登高
野栗炊新秣
寒萸泛濁醪
黃花何太晚
籬落上蕭騷

北行雪中渡淮

風捲清淮夜不休
曉驚急雪遍郊邱
坐令和氣三邊滿
便覺胡塵萬里收
瑟瑟江頭輝玉節
蕭蕭馬上點貂裘
歸來風物渾相似
二月楊花遠御溝

泗州道中

宿雪助寒色
相看汴水濱
輕車兀殘夢
羣馬濺飛塵
行役過周地
官儀泣漢民
中原陸沈久
任責豈無人

靈壁道中

古汴微流絕餘民
尚子遺高邱祠漢祖
荒草葬

虞姬垓下空陳迹
鴻溝愴近時
膏腴滿荆棘
傷甚黍離離

陳留栢

驛門深閉栢參天
月可中庭夜影圓
人靜好風喧客枕
坐令歸夢到林泉

相州道中

千古興亡一夢驚
就中物理似持衡
茜花空染朝歌血
荒草猶祠羨里城
但見反身知自咎
誰言修政欲相傾
知音只有昌黎操
臣罪當誅主聖明

即事

行盡窮邊歲亦殫倚門應是念衣單寧知今日
幕南地不似去年江上寒乘馬惟欣日可愛逢
人長說雪初乾三衾四襖半無用何必重歌行
路難

臘月二十五日大人生朝

去年沙岸倚歸舟今日驅車古涿州綵服難陪
萊子戲巴詞應付雪兒謳客途行及五千里壽
宴須開十二樓南望飛雲天樣遠太行山外久
凝眸

初出燕山

去國三千里還家第一程都緣人意樂便覺馬
蹄輕落日催心速飛雲逐望生莫嫌歸去晚猶
得趁清明

春雨

石斗微微覆淺沙蘭叢短短茁青芽春花着眼
未云久花事于人漸有涯
漫、平湖接遠天濛濛細雨濕輕烟野橋橫着
草深外何處渡頭人上船
送人之官池州

春空吹雨作餘寒去去扁舟不可扳伊昔曾游
三大水到今獨記九華山想君脈々征途遠屬
我悠々夢境閒回首江山固無恙怀人倚待好
詩還

春遊遇雨

公子喜青春歡遊弗厭頻久晴都不問好雨卻
成嗔桃杏紅方入禾苗綠未勻請君停杖履俯
念耦耕人

粮料院葵向亭

結屋蒼崖晝不譁峻嶒亂石遶簾牙濤江渺莽

三千頃烟瓦參差百萬家雉堞環山餘暮雪龍
樓聳闕煥朝霞登臨可是望都省但有葵心向
日華

解舍小軒

衮々羣山尾橫牕更此岑塵埃遮物外風物宛
山陰作吏何妨隱尋山不用深居然一邱壑便
足快登臨

尺五亭

舊說城南社今登山外亭宮牆步可到御柳望
中青引嘯千岩響哦詩過鳥聽曲欄頻徒倚歸

思渺東溟十載警如昔
五年不泛浙西船
今日重来倍黯然
葦席不重
寒刺被菱歌孤唱
月搖川
往輕帆風雨便點檢
湖山固無恙
鴿原遺恨到
黃泉

烏戌道中

田在港西家港東
斷橋春水步難通
東蘆挾瓮
穩來去不礙小船分釣筒
重陽寄雪牕從叔

秋意未教籬菊知
不妨烏帽著風吹
絕憐對酒
君歸笑更欲登高誰共之
風雨滿城千里夢
茱萸綴席一年期
君非俗物敗意者莫為催租便
不詩

次伯舅汪運幹大雅所寄韻

遙憶牢之舅
功名志欲成
離思滿方寸
望眼費
雙明攬筆四愁詠
登樓千里情
賢勞休自歎
幢
下本書生

佛日山

曉出都城暮入山
杖藜蕭散易開顏
松風五里

未行盡隱，疎鐘紫翠間。春長開燕水，風正里

遊香山次王正言述韻

四山過雨翠光流，境勝心閒自點頭。野鳥叫春多格磔，晚風吹鬢故颼颼。三年幾作舊山夢，一笑喜成今日遊。獨嘆寒泉本無意，強隨機械走溪溝。

過西興

幾載京塵浣客裘，江村乍入倍清幽。柔桑穉麥寒猶在，流水落花春又休。蒼狗浮空驚易失，白駒過隙若為留。細思誰似垂綸者，冥酒烹魚百

不憂

携家再游姚江

又作泛舟行，浮家一葉輕。潮生江外晚，月比夜來明。雲盡天容徹，風高水氣清。五湖乘興去，何苦慕功名。

渡揚子

江豚吹浪雨颼颼，望斷天涯人白頭。一舸乘風渡揚子，數鷗導我過瓜州。

曉霧

曉霧冥濛水拍堤，葎增亂石與雲齊。扁舟不用

兼程去到得稽城日已西

登戴山

晚步戴山上休辭脚力窮
八松不碍眼萬里欲
乘風逸興浮滄海高歌徹
太空羲之不可見猶
得想胸中

永嘉試院謝曾使君送酒

一簾疏雨洗塵埃
滿架醑醑自在開
正恨烹茶殺風景
忽驚門外白衣來
脫身場屋幾春秋
故步重尋我自羞
閑置有如三日婦
畫成應遣一生愁
與錢誰是老司業
送

酒更無賢郡侯
掩卷出門花下坐
真成一酌散
千憂

水蘊之國博遷居

寄齋今日又遷居
門巷相過五尺餘
王子何妨借人屋
淵明不必愛吾廬
大千眼裏無非寄
三十乘中皆是書
祀灶卜鄰無用爾
祇今天上有
鋒車

名大人稱屈心
聞我自餘言
詩令子貢作賦
古元虛鳳沼定
平進鷗盟殊未
疎潭府中去只
作寄齋居

次南真宮龔道士壁間韻

幽舍足留客疎篁不用林
相過幾樽酒清坐一
瑤琴野鶴伴仙隱閑雲寄此心
黃冠如有許來者為低簪

送樂清姚令行可

長宮清政玉無瑕卓魯循良不足誇
前席有期吾黨喜挽鬚無路邑人嗟
才高雁蕩千峯石惠足河陽一縣花
欲信三年渾不擾遊山今日始携家

入雁山過雙峯

眼前未見古龍湫望、前山景自幽
紅日一門千嶂曉翠峯雙聳半空秋
風高落木無邊下氣勁閒雲逐處收
要識雁山真面目直須霜後來遊

靈峯

老筇扶我轉林邱直到僧房最上頭
地擁雙峯遮勝景天分半石闕靈湫
空中大士淡相對山罅清泉空自流
人謂石崖宜置我不知來此有緣否

龍湫

地聳峯巒秀天開氣象寬
九霄銀漢落千古玉龍寒
壯觀供尊者幽居稱冷官
何時遂肥遯不厭白頭看

又次王瑞安韻

雲鎖千峯碧泉飛百尺湫
山蹊驚險絕洞府足深幽
谷靜搖虛箔岩高卧老虬
賈胡還似我到處輒遲留

忘歸亭

一峯凜凜插烟霏誰築新亭占
石磯標榜未應專一壑此山何處
不忘歸

登馬鞍山

軋：輕輿上馬鞍半天嵐翠逼人寒
從教宿藹迷清嶂明日晴空取意看

游西山次范丞公興韻

東風吹我上西崗更覺僧房白
晝長草色已翻新歲碧梅花祇是
去年香好山圍繞屏三面野竹蕭
森玉數行千里同遊逢范叔緜袍
他日未相忘

喜雪

曉風吹起雪漫漫
來兆豐年喜有端
王樹瓊枝

無限好雪牕高閣不勝寒直疑天上梅花落莫
作人間柳絮看我欲乘風游汗漫倚欄空自羨
飛翰

同年翁處招遊北山次韻

不嫌屐齒碎莓苔祇要吾人得
來見說飛泉高落澗待尋曲水作流杯
竹林素約羣賢集雞黍相過一笑開
政恐清遊自忘返不應空棹酒船回

又茂先烟蓑亭

人生逆旅困風波大似寄居鸚鵡螺
月白江空

無一事不須更作釣魚蓑

紅梅

南枝零落北枝殘失喜新蕤苦耐寒
莫道北人渾不識南人幾作杏花看

秋意次林致甫宗丞韻

河漢秋來淨飛星一點過好風吹暑盡
疎雨送涼多紈扇收團月桃笙捲細波
自知恩到骨歌枕夢無何

送春

飛花一片減風光不待紅稀意已傷
今歲餘春

能幾許浮生此日更須忙隴頭有雨麥初秀林
下無人蘭自芳夜倚疎櫺誦佳句好風如水月
如霜

花披催蝶舞柳暗受鶯遷過眼忽新夢回頭誰
少年溪雲隨筍供山雨近梅天詩思正無賴一
聲來杜鵑

病目初愈張子家有詩次韵

年來視物隔襪襪祇有昏花似退之強起歸鴻
聊自放妙穿懸蝨恐難為相親黃奶交親絕見
代青姑事寢危寫照苦添雲蔽日不應更請虎

頭痴

許深父餉酒覆于舟中

千里貽書慰寂寥更將尊酒餉今朝先生忽已
成烏有用事何因見白起醉裏謾思鯨吸海夢
回誰悟鹿藏蕉何時痛飲論心曲雲滿江東望
眼遙

送朝臣濟宰湘潭

君向瀟湘忽語離江城離思亂雲飛傳聞楚俗
尤凋瘵勿以秦人視瘠肥宰縣要尋行志處監
州空有負丞譏此行得句須頻寄直到衡陽有

雁歸

即事

芸、物態見天機，靜裏工夫得細微。
階下秋紅千萬點，游蜂一一採香歸。

正月庚申朔 淳熙六年

春來節物一番新，今歲仍逢臘裏春。
莫訝連宵清不寐，祇緣守歲守庚申。

國清寺

夾道青松引客來，五峰雙澗擁樓臺。
豐干饒舌留公案，隋帝遺書暗古煤。
最喜親知來里社，真

成春月上天台，陰雲掃盡尋幽去。
佳處端疑為我開。

山中懷仲兄

雁山曾御九秋風，更喜春深到此中。
芳草絕憐隨意綠，野花真是映山紅。
未知方丈景何似，直恐桃源路已通。
起聽朝雞無恙否，茲遊恨不與君同。

天台道中口占

路上人家短竹籬，繅蚕刈麥自熙熙。
可憐日對千尋瀑，不解閒吟半字書。

宿仙居民家

投暝人家欲睡時
雨聲不斷水平池
回頭已過三江渡
醉看車中總不知

寄管儀通判并同官

執別僧房日未斜
別離愁緒滿天涯
清宵已落柔桑葉
小雨頓開喬麥花
醉裏不知身是客

詞李玉酒闌無奈客思家
輟公夢憑誰寄語三夫

子歸路還須好句誇

贈寶藏老道源

骨相昂藏潤底松
平生禪窟儘從容
幾年大隱

清暉閣今日來
瞻獨秀峯打破畫瓶無罣礙
大開飯店喜迎逢
今朝且逐征途去
何日重來聽曉鐘

過蒼嶺

黃雲滿塢沙田稻
白雪漫山薺菜花
路入縉雲頻借問
碧香酒好是誰家
崇朝辛苦上孱顏
泥徑初平意暫閒
蒼嶺東頭移野步
眼前便得處州山

婺女極目亭

危樓雄據郡城東
掃盡秋雲快碧空
目力不容

山隔斷詩情長與酒無窮先分樓下雙溪水高
挹人間萬里風興逸不知真近遠五絃聲裏送
歸鴻

自阿山歸再過蒼嶺
雨後過蒼嶺平生行路難危層驚步滑絕澗覺
心寒就嶺山逾險趨平谷更盤年來輕世故不
作險塗看

鹿伯可郎中園池雜咏

見一堂

靈澈清詩千載傳始聞林下有斯賢傍人只道

休官早見一名堂已十年

止室

流行坎止事無多舉世營營自網羅珍重主人
真止矣直如古井更無波

小東山

安石東山志不渝歸來尋得靜工夫從教更為
蒼生起携妓何妨且自娛

桂堂

芳樹叢生庭砌間高枝更許後來攀主人勿戀
山中桂招隱還應看小山

浮雲舒卷原無定此意誰能為飽參出岫無心
歸亦爾不妨今日與同龕

柑隅

霜著芳苞翠作圍數椽瀟灑映斜暉木奴何必
須千樹乞得閒身徑且歸

桃蹊

幾樹桃花相映開主人歸路入天台憑誰寄語
元都觀前度劉郎不更來

月沼

玉潔冰清一壑專禳龍何處引涓涓深知月滿
還虧缺祇學蟾光一半圓

星潭

山頭分下一泓清石甃團團瞰小亭身在赤城
名絳闕至今潭影照星郎

三友徑

公是端人友必端世情冷暖不相干雖云門外
可羅雀三益還能耐歲寒

竹塢

幾年種竹未成叢一日歸來翠掃空儘好閉門

高枕卧從今日，是清風未舉，秋空畫秋，閉門

梅坡

江梅留待主人還，見說歸時得飽看。回首殘花飛作雪，一峯當戶正高寒。題不臥千載云門北

松嶺

翠雲深處曳枯筇，插碧堂。十八公全似華陽。隱君子掛冠歸去，聽松風。

戲贈張漢卿

張侯理窟妙無窮，雅謔于人亦有功。渺。江湖千萬頃未聞餓死信天公。

山立青冥陪沈虞卿使君游錢園木末冰谷知
休沐無官事公庭且放衙城中尋勝地道上引
高牙潭府臨芳徑東岩玩物華山林真夏絕棟
宇謝豪奢陶令親栽菊秦侯晚種瓜裴公餘綠
野六一醉琅玕幽阪森三友飛橋架百花樹深
藏曲折谷險路谿研道院羅星斗禪房供釋迦
鼇峯思御氣畫舸想乘槎佳處城環雉吟邊路
遶蛇登山携翠袖喝道屏銀榻井市花相映湖
陂柳半遮高歌驚野鳥疊鼓亂鳴蛙陞級青珉
滑秋千絲蒹葭斜叢篁穿嫩笋芳草綻新葩靜憇

方開宴徐行更試茶仙醪斟瑪瑙玉指奏琵琶
清絕器塵遠蒼茫望眼賒詩情彌海嶠飲興渺
天涯賢尹民同樂名郎子克家才高修月戶筆
妙補天媧揮塵風流勝憑欄笑語誇追風慚款
段倚玉媿蒹葭逸韵迷春蝶清歡接暮鴉舞茵
收地錦畫燭照籠紗耄稚欣相告輿臺靖不譁
微風朝趁馬好雨夜隨車土脉興原隰霖膏潤
甲芽相將勸耕去和氣滿桑麻山林真復出棘
中山曲肱齋山立青冥外人行紫翠間小牕開木末孤塔映

江灣平楚一何遠白雲相與閒我來不暇寢冷
坐對前山

廣軒夜望

點々萬家燈風清醉復醒廣軒高絕處俯瞰一
天星

玉霄亭玩雪

羣齋高晏雪浮空同上山城第一重今日無非
銀色界此亭真是玉霄峯雲迷野路舞輕鶴風
急瓦溝噓老龍便欲相將游汗漫剡溪何必訪
遺蹤

倅廳雲水亭

山遠澄江、遠城水雲徑接海冥、萬家曲折
在吾目一郡登臨屬此亭今日詩題隨處有幾
番醉眼望中醒風流鄭老知何在回首蒼茫島
嶼青

再過鹿伯可

又上先生見一堂淡然賓主兩相忘不知海內
清風滿但覺山中白晝長小雨絡林妨蠟屐靚
妝環坐快瑤觴曲終扶杖欲歸去即詠白駒三
四章

天姥峯

剡水迂回徹底清濫觴從此一泓澄曉來蠟屐
冲寒上踏碎山頭十里冰

虎邱

望之古招提茲遊恨已遲池深驚地裂野曠覺
天垂聽法人千數談空松一枝從誰訪遺跡惟
有石頭知

洛社老僧聽琴

宴坐蕭齋不作勞謂予何事走蓬蒿從容試問
今年幾手植黃楊三丈高

自言幾載不聞琴屢聽清彈苦契心少待庭柯
燥噪靜為師更作醉翁吟

中秋

歲：當秋半人：待月明絕憐今夜賞更勝去
年晴光彩澄高露氛埃廓太清衆心方閔雨卻
望暮雲生

又次丁端叔韻

好風涼月湛中秋自笑何為作遠遊不有諸君
故人戀未應連日賈胡留三千銀界俱呈色十
二珠簾總上鉤飲罷客歸清不寐誰知心折大

為頭

游惠山

石徑縈迴入翠林廿年故步喜重尋千山直上
雲扉啓萬木陰中古殿深泉水泓澄風拂洞門
幽杳晝沉：調琴淪茗清無限倦客忘歸到夕
陰

游洞霄宮

宿雨頑雲撥不開紫霄佳處訪樓臺青山九鎖
固竒甚古洞一深如此哉拔地千林俱秀潤擎
天一柱最崔嵬出山爽氣尚相屬數里清溪送

我回

游徑山

起看海日曉團圓，更挹神燈照夜闌。
百萬杉松雙徑杳，三千樓閣五峰寒。
蟄龍何在渺難問，古井于今竟不昏。
但覓靈泉歸洗眼，誰能故把細書看。

送蘓伯昌大卿

禁路營堯欲問津，抗章便自乞閒身。
閔勞劇部皇情厚，寓直中奎寵數新。
飛輓正資經濟手，典刑終念老成人。
赤松未許長為伴，歸取青毡繼

穎濱

甬東曾幸拜蘓天，外府官僚復備員。
前輩風流真在眼，名公談笑辱忘年。
浙江相對一卮酒，婺港欲行雙槳船。
門鍵馬銜難作遠，西風停立但茫然。

送劉淳叟博士倅豫章

熟知明主可忠言，奏牘方陳意已傳。
人言能遜千乘國，我自能補九重天。
拔山轉石孰難易，爛額徒薪誰後先。
不用更論如許事，把君征袂且茫然。

送呂周輔宗丞守崇慶

從昔傳家學當今良史才聲名冠西蜀風節象

東臺朝蹟收何速歸心挽不回一麾從此去萬

里可能來

呂為四川類試省元
曾祖陶為給事中

舊矣唐安郡龍潛府號新當年一絳帳今日西

朱輪民意來何暮仁聲煖似春劍南毋戀卻鼇

禁要詞人

祕甚先天學誰傳陸士龍上方留自近天豈不

相容契託君家厚情惟我輦鍾慙慙訓猶子他

日使追踪

上魏丞相

夢菴深坐宴朝曛祇有梅花對此君今日衣冠
有巢許向來元凱佐華勳入山誰解訪洪景載
酒時應問子雲童諷寫成心未懶可因貪佛贊

論文

次韵蔣德言游太白玉几兩山

西山不到幾經春玉几猶能一再臨太白峯前
成夢境直從總角到于今

少日遊山不要歸老來腰脚不相宜羨君勝具
了無勸踏雪尋幽更一奇

賸欲扶筇随意行要令心跡得雙清何時同入
翠微去丈室先參老淨名
落花影裏步春闌飛鳥翩翩相與還若得把茅
成小隱等閒來往兩山間
誰能饒舌強參禪何用談因更說緣生死本來
無大事晨朝須起夜須眠

謝僧道全惠詩并菖蒲

楚、芳蓀詩樣清翠苗低護小崢嶸一泓功借
幽根潤六月能令涼意生雁蕩渾如夢邊事龍
湫頓覺眼中明閒窓坐對思無限何日隨君遠

澗行

趙安國梅坡

隆暑倦行役梅坡得暫閒卷簾南浦岸終日對
成山竹裏清風遠碁邊夕照還歲寒重卜醉寬
句暗香間

資聖寺

野溪清淺度危樓徑策枯筇上紫霄曉霧暗蒸
山寺雨松風深隱海門潮浮杯水漲人何在洗
鉢池清意已消又上樂亭基上望雲山萬里更
逍遙

次韵蒋德言壁间舊題

一鈴簷角自吟風
兩面松篁翠掃空
山卉更藏無盡意
枝頭未作去年紅

上史太傅

一坡烟水綠灣環
竹樹樓臺縹緲間
但說一邱藏曲折
誰知更有四明山

二十里雲隨步生
潺湲洞裏訪青櫺
山中要識無窮趣
看取南雷問答經

衮繡堂中語夜分
幾將經史細評論
不知世上三公貴
祇是東湖八行孫

贈鄭相士

知君冰鑑照人寒
我相儒酸未足觀
東甬從來多俊秀
為煩著眼細尋看

雪竇道中

城居久矣厭塵勞
來訪名山寫鬱陶
客路行隨流水遠
征人與坐白雲高
千林舞翠吹蓬鬢
二麥搖青照紵袍
努力共登天尺五
要看飛雪噴雲濤

錦鏡

兩溪赴壑若奔虬
此地端能截衆流
三版放開

千丈雪一區清徹四山秋幾年空自存公案今日重新指路頭珍重老師成勝事清名當與此山留

妙峯亭

一峯高出白雲端俯瞰天涯千萬山試向岡頭轉圓石不知何日到人間

隱潭

靈潭深入白雲堆帶雨春雲為我開乳石半空渾欲墮瀑泉十尺正中來兩軍酣戰鼓聲急一雨生寒霹靂催中有卧龍君勿狎有時平地起

風雷

遊大梅山護聖寺

江東、畔更東山又過東山數里間試問招提在何處萬山深處白雲環寒雲片日忽吹開歷井捫參得、來行盡高山天欲半不知平地有樓臺

常禪師塔 旁有虎冢

當時道價極光華鷲獸相隨共一家象去虎亡師亦老不須百鳥更銜花從來猛虎性堅剛據石依林死不僵何待寒林

班侍者千年陪葬祖師傍

梅仙岩

梅山遺跡若為尋怪石峻增一徑深未必當時
真隱處清風自覺襲衣襟

雲岩

但見雲生谷初無石似岩得名非舊觀買地作

精藍境勝環脩竹門深擁翠杉禪林自家處莫

問後三三

啓霞冰壺亭

拍：新漪澈底清兩山寫照翠光凝笑看風動

穀紋起坐我玉壺春夜冰

天童玲瓏岩

捫蘿厯棧上層峯寢覺芒鞋踏半空七竅幾時

開渾沌八牕無處不玲瓏已欣古洞容身過直

恐丹邱有路通俯視人間懶歸去拂衣徑欲御

天風

送內弟汪作德赴建德主簿

今日望春下送春還送行簿書須着意家世有

餘清瀟洒桐廬郡文章陸士衡

時陸務觀為守

公餘定

多暇無廢讀書聲

南江酒家

南江舟楫飽經行橋外人家最可人
賸種寒杉映脩竹快沽村酒趁鮮鱗
潮痕落草櫓聲動日脚銜山涼意新
酷愛老樟橫卧處他時來此坐垂綸

宿登山

竹輿來訪小梅山、在空濛紫翠間
嵐霧滿林朝漠、溪聲和雨夜潺、
峯頭丹井隨潮信松下禪房舊祖閑
誰是無生誰不死晨鐘未響夢先還

羣從泛湖次叔韶弟韵

倚遍瀛洲十二欄老蟾推出爛銀盤
絕憐千頃波瀾闊更覺滿身風露寒
境勝能令詩興逸夜深自喜酒腸寬
離、掛影清如許莫惜終宵作意看

送陳君舉守桂楊

重尋漫壁認題名十五年來一夢驚
誰料今朝携客至却成此地送君行
桂陽卧治真談笑魯史遺編賴發明
文定南軒仙去後湖湘又得一先生

永嘉天慶觀

斗口橫安華蓋山茂林脩竹路灣環琳宮迴出
滄瀛表羽士如遊崑閭間東挹江山窮望眼西
臨闌闔笑塵寰自知去此無多日着意來尋一
餉間

次許深甫寄陳頤剛韵

博物曾經辨寔沉論兵更覺用功深九閣未進
六竒計萬卷空催一寸心流水高山誰復會寒
松春柳解相尋如君豈是長貧者作計無令歲
月侵

月侵

前朝折戟尚沙沉志士私憂意向深謀國未須
先問陳平戎要且務攻心衣冠舊老知誰在禾
黍遺宮尚可尋騎省再新人有望一言坐復故
疆侵

勸農

一番好雨潤桑麻和氣歡聲十萬家太守勸農
纔出郭老農含哺競隨車土膏澤仁地宜稻雲
物陰仁天養花願得四方無旱潦盡教樂歲似
東嘉

東嘉

書吳夢予古樂府後

古來樂府近來無筆力如君卻有餘日恐遺音
亡正始喜聞新作過黃初不誇藝苑徒工瑟應
免侯門久曳裾更向江西詩窟去地年時寄一
行書

謝景英送鄭景元篇末見屬次韻

張羅清似翟公門上外都無野雀喧可但風流
追鮑謝直教高論到羲軒絕憐父子為知己時
把文章得細論箇裏是非何足較乍賢乍接一
王尊去年一本此首後尚有一首云觸暑相過憶

和流有靈光尚歸然賸記暮年專一壑想聞高咏
改今附泉兩公直諒渾相似其末一句缺載不可
注于此

喜雨次甄雲卿監簿韻

四郊苗槁勃然興頓覺歡聲滿郡城行且刈雲
成歲事敢因喜雨記亭名昔如魚在釜中活今
見龍從地上行憂國願豐同此樂讀君佳句欲
風生

又次徐仲宗通判韻

老龍破蟄斬幽閑亂滴天飄不復慳可但甘霖
驅旱魃自然涼氣滿人寰民心徒切焦熬甚神

力毋勞指頽間遙想清都應表賀紫宸軒陸曉
催班

又次鄭性之縣尉韻

稿項疲農病夏畦喜聞烟雨四天垂旋尋杭稻
供糜粥驚見新香玉滿匙
閔雨才寬又畏風從朝愁到夕陽春誰教官到
二千石不學當年邴曼容
幾番好雨應先占欣見堦庭綠草纖秋後陰晴
猶未定更看新月卧磨鍊
爰居集魯要先知飛雲侵春久已疑慚愧風師

幸安靜敢將虎口鬪龍癡

游隱清

簿領叢中偷得閒輕輿相與鄉閑亂流先已登
孤嶼采蕨還來上北山藤遠龜身增巖巖水涵
虹影照孱顏老農擁道迎人笑今日使君來破慳
瀑泉奔放石坡陀回首清游歲幾何腳力不如
前日健詩盟還喜故人多滕王閣上無韓子遠
景樓中欠老坡不謂鄙言成宿讖偶因晚泣得
波仁
窮冬吏鞅解紛纒重入茲山憶少年千里幸同

幸安樂三生曾結郡人緣
幾番山色望空外
今日水聲來耳邊
坐上何須聽絲竹
與君嘯詠和風前
富覽亭
城郭占佳勝
眼高貞白鬣
霜天開浩蕩
雲屋涌嵯峨
四面總好東
牕江最多脚
跟盤巨石吞
吐任風波

贈陳居靖道人
為泐道人身御風
棄家求靜慕僊蹤
僊都有石立
天半特立要當如此峯

雪中簡林景思劉振之
驟寒忽變雪花飛
抱雪長吟况可知
襆被可能來過我
忍寒相與話新詩

謝林景思和韻

黃昏門外六花飛
困倚胡牀醉不知
凍合玉樓猶強項
擁衾方詠雪巢詩

送趙子固吏部帥合肥

少年文價重神京
游宦還聞政有聲
南省但推韓吏部
北方猶問趙先生
人傳殿上三千牘
上喜胸中十萬兵
暫輟望郎分帥閩
淮南草木更

知名
老韓同傳我多慙意氣相傾自不凡
憂患飽更俱白髮班行獨立見青山
羨君真有虎頭相顧我方為馬口
銜同舍幾何俄話別可堪日力送
風帆

襟帶長淮地望崇勳名當繼古英雄
吳人止解依濡塢晉將才能過八公
可但綏懷邊境靜直須經略朔庭空
折衝不必居還徼頗牧尤當在
禁中

曲竹

放出一頭地出牆梢更新傍人為稱
屈素志肯求伸苦節變甘節曲身成
直身青霄看直上莫忘手援人

寄題汪端明墳菴真如軒

山藏佳處竹藏廬見說離家百里餘
已矣空求真學士傷哉閒殺老尚書
後生自恨登門晚壯歲寧忘跪履初
悵望九京那可作此心徒切慕相如

萬箇篋管一草廬傷心埋壁十年餘
革聲誰聽尚書履金榜空懸少保書
無復遺音追正始尚

傳新作過黃初真成一代風流盡歎息浮生信
六如

題汪季路太傅所藏龍眠陽關圖

離觴別淚為君傾行李匆忙欲問程不用陽關
尋舊曲圖中端有斷腸聲
畫出陽關古別離蕭疎柳質不勝悲行人顧欲
離人泣柳下漁翁總不知

題陳簡齋寄夫人書

行書滿紙遺君文可見閨門敬若賓應與少文
能協趣定因元亮遂忘貧

題韓氏所藏元祐選尚詔草

禁鬻當年選尚初難兄辭罷意何如裕陵遺旨
知難改元祐湛恩信有餘今日猶存邕君筆向
來誰造粉昆書韓門世寶宜無墜史有遺文尚
取諸

秋日懷國仲觀

四明聳秀一溪流曾記經行十里秋行李今從
何處住宦遊自笑幾時休免時故舊今誰在老
去光陰不借留贏得東歸訪邱壑約君同上鉤
魚舟

客省聽燕樂

曉入金門拜紫宸門前錯立士如雲未容密侍
君王晏祇許鈞天隔殿聞

次李季章監簿韵

跪履巽岩今幾年見君風度喜跼然長編固已
翻青簡老墨猶能寶漆烟游宦自欣天影近思
家猶在夕陽邊時從甥館追清賞賸寫新詩繼
謫仙

安石東山志不渝歸來尋得靜工夫從教更為
蒼生起携妓何妨且自娛

賀雪八盤嶺上作

平時卧雪似袁安誰肯凌晨犯苦寒百辟班中
因族賀八盤嶺上得遙看層々觀闕瓊樓聳納
納乾坤玉宇寬悵望仙山何處是欲從此地徑
驂鸞

送林子方吏部將漕江東

光堯三紀煥文章寶閣岿堯謹祕藏寓直到君
才第四皇華禮樂遠增光
望郎三度到長安垂上青雲作好官暫向江東
一澄按却歸徑着侍臣冠

自說稽康七不堪上教持節向江南江南父老
應相賀見說清明似晦菴
殿廬官燭對風簾郎舍脩篁共一蒼別日苦多
良晤少摻祛不耐雨纖纖

子方移守四明見于浙江亭

春初送別欠詩篇歲晚還欣受一廛都騎始聞
臨浙水先聲久已讐鄞川里人見說俱延頸海
嶠從今定息肩夜々故山頻入夢為君端欲買
歸船

寄題蜀李氏義槩堂

君亮著作之祖

養氣非為俠輕財弗市恩仁聲高月旦義槩徹
天閣稱美推賢嗣揚名有順孫活人幾百萬何
止駟容門

送衛清叔著作提舉淮東

漢庭早已冠羣仙閣步登瀛最少年富歎豈惟
年叵及人門才業總翹然
通泰牢盆巨海濱宅家專欲用儒臣淮南草木
生顏色又見龍頭第一人
虎榜先登到鳳池前良多以十年期雖知勇退
急流去壯歲功名會及時

羨君持節拜庭闈未老雙親看綵衣若遇蓋公
煩問信坐曹日念舊游稀外府舊為救局
衛乃蓋侍郎墳屢從樽酒接從容叔寶風姿照座中他日相逢
年益老棊壇尚可角雌雄

送黃景聲秘丞提舉浙西

江夏無雙第一人清明久矣動簪紳心平氣勁
無偏黨好在皇朝作爭臣
宅家親擢得真才柏府蘭堂更外臺未問遙驅
向溝壑半途應有詔書催
從來軒冕一毫輕朝跡初收去玉京打破瓦瓶

無個事不妨遊戲繡衣行

論詩纔了便談禪鄙吝冰消更豁然稽首心空
先及第敢將癸未論同年

玉節光華照日曦揚清激濁正當時阿連幸出
百僚底正恐翁歸不受私

雪中迎駕

都人久不望威顏驚喜鳴鞘風雪間萬井歡聲
迎曉仗九天和氣下人寰龍樓笑啓瑤池宴鵷
序欣趨玉笋班道上峯頭見日絕勝銜燭照崑山
題尤延之給事所藏葛仙翁徙居圖

莫言家具少于車，葯裹衣囊自有餘。
老婦親携三稚子，仙翁獨玩一篇書。
羊牛相與趁新築，雞犬無因戀故廬。
到處山頭有丹井，不知如此幾遷居。

又題楊妃上馬圖

金鞍欲上故徐、想見華清被寵初。
後日延秋門下路，不應有暇作踟蹰。

題老融歸牛圖

薄宦六年辭故山，故山祇在夢魂間。
簪紳何苦自纏縛，却羨歸牛自在閒。

天竺禱晴

早奉天香禱，白衣遲明宿霧故。
淒迷忽驚紅日穿林薄，無數碧山明澗溪。
上竺寺連中竺寺，蘓公堤映白公堤。
湖光一碧幾千頃，賸捲荷香送馬蹄。

具美堂

明光殿裏早催班，亭午天街從駕還。
已聽歡聲傳市井，更看喜氣滿湖山。
聯鑣遠去閒尋勝，爛醉歸來夜叩關。
但願兩宮千萬壽，退公時得過雲間。

水月園

具美盃殘意未休相將重上望湖樓
臺忽已居平地風月何曾識舊遊
更挈酒樽過水月坐增詩興滿滄洲
春風共約新橋畔送拜雙龍萬斛舟

三月九日從駕

昨日為親壽今朝從駕行君親俱有喜
家國共增榮淑氣浮黃屋歡聲動玉京
人心真易感翻手作昇平

湖山次袁起岩安撫韻

同年紫陌再尋春力主斯盟賴尹京
山外斜陽湖外雪夜來陰靄曉來晴
平波灑灑新添綠凍木欣欣欲向榮
此日此身清潔甚軟紅何苦太忙生

終

水月園

其美蓋殘意未休
居平地風月何曾
增詩典滿餘洲春
斜舟

升主

本如
同平
同平
同平

玫瑰先生文集卷七之二

今體詩

趙路鈴

不粘 輓詞

四明樓 鑰大防

蚤歲游金闕霞冠拜紫宸
可堪天寶亂及見會
昌春宛宛王孫態飄飄
物外身靈光愴陳迹遺
老更何人

諸父論交久忘年
許預盟登山陪躡屐
泛月共飛觥來往開
三徑安閒羨一生
山深淒蘿露愁憶
醉歌聲

蘇軾 姜總管 浩 輓詞

及見開元盛 曾聞正始音 雕蟲徒壯歲 冠鶚豈
初心 論事風生席 疏恩帶錫金 精神空滿腹 愁

絕病沈沈

富盛俄遭變 難却起家田 園新活計 詩禮舊生

涯 仙桂應傳秀 庭蘭更茁芽 真歸了無恨 超徹

妙蓮華

坦坦曾試祝通判 鐔 輓詞

坦坦曾無我 休休蚤見幾 虛舟寧忤物 抱甕自
忘機 老去心逾壯 歸來事已非 賞延推不及 有

子尚家肥

花縣弦歌化 蓮城水竹居 舊寮情意厚 近別信

音疎不作三刀夢 空垂別駕車 新阡何處是 東

望倍欷歔

求參議 子 紹 輓詞

累世朱陳舊 宦游多向鄞 飛鳧觀政美 展驥愈
情親 久草歸田賦 歡迎人幕賓 斯人忽千古 望
斷刻溪濱

玉立期清龐 肩望壽齡父 兄嗟奄忽姑 姊亦凋

零 厚德今誰在 佳城慘欲扃 孫曾聞競爽 蘭玉

在階庭

朱坡史居士輓詞

巖邑富人物才惟史氏多流傳有丹桂遺逸嘆

朱坡學飽終難售詩成祇自哦空餘著書在令

子挹餘波

交友俱名士儀曹禮意周使華臨夏口詩與共

南樓喜得江山助還同汗漫游更煩賢宅相相

與發潛幽

戴縣丞機輓詞

小戴久仙去何堪更哭君舊遊驚昨夢陳迹愴

遺文晚暮期相與死生俄遽分銘成媿贊德揮

淚望新墳

高士終為薄豈惟勾小稽鸞鳳雖在棘桃李自

成蹊官府資閑決儒流仰品題定知餘慶遠遺

愛滿雙谿

方具化叔珪輓詞

廟之著靴鬼夢中言更明起家尤感勵為吏極

廉平薦口聲名重朝行去就輕奏篇真確論何

日遂施行

鴈塔深論契鵠班試著行參亡聞易篋越帛後除

喪支郡難留鄧佳城久夢方吁嗟德浮位回施
與諸郎

戴迪功

應龍

輓詞

猶記天街會同為乳竇游姻家頻會聚親意愈
綢繆吉德宜多壽奇疴竟不瘳無由見安道汎
雪悵回舟
好學數仍奇躬行家遂肥時將詩自樂晚悟世
俱非教子惟黃卷高門看緣衣阿連悲未泯無
淚為君揮

王通判

琰

輓詞

世篤青箱學驂駟更著鞭半山分近派嚴整誦
新篇竹馬迎雙舄棠陰憶二天黃扉伸讜論風
節尚翹然
才具盍時用拂衣俄去久善藏經世手回施稱
家兒羸博延陵恨人琴子敬悲連年如許天道
杳難知

姜鍾離

柄
輓詞

門戶期與起交朋務琢磨反身求大學決意取
儒科贊府教尤著鄰封惠亦多傷心濠上路無
復聽弦歌

別去期三載，伴來痛一書。死生誠大矣，力量果何如。平日真知我，遺言苦問予。作銘雖不愧，回首倍欷歔。

顧養直 義剛 輓詞

萬頃東湖下，曾門起大家。子孫昌世業，文字作生涯。堂後萱猶樹，庭中桂欲華。惜哉時不待，誰忍送悲笳。
舊向君家去，宜齊屢舉觴。人常誦諸顧，里不見他揚。身世驚春暮，湖山愴夕陽。園林未成趣，鷺鷥亦淒涼。

李度支 嘉言 輓詞

忽作堂堂去，門前雀已羅。夢隨彈指斷，事向蓋棺多。心繫六州鉄，身傾千丈坡。喑喑晝夜哭，奈此敬姜何。
孰匪同升素，君子我最親。詞章傳自舊，翰墨恍猶新。別去情逾篤，歸來迹遽陳。無從效經紀，悲結淚沾巾。

何司業 伯謹 輓詞

頃歲遊孤嶼，名門說二何。胡為終壁水，自合上鑿坡。器重連城價，心澄古井波。傳家衣鉢在，袞

袞並儒科
駢麟陽司業作州如理家源流知有自悃悞信
無華方嘉亨途遠俄驚暮景斜傷心傾蓋舊何
處望東嘉

王遂安

時敏

輓詞

淮水古王氏生平熟義方三珠欣競秀兩桂早
聯芳才大用何留源深流自長青甌傳令子一
箭取雙鶴

問學自冰翁詞章聳巨公不慙循吏傳真有古
人風捫蠶書猶在飛鳧迹遽空人琴悲子敬三

讀愴深衷

周左司

頌

輓詞

從政心無愧敢言人所難精忠憂世切清節照
人寒交臂失持橐乞身終考槃老成今已矣西
望淚汎瀾

乙丑慈恩會今幾六十霜軺車來握節相府記
傳觴詩藪懷高隱郵筒見短章不堪千里隔丹
旌想飛揚

蘇江陰

十能

輓詞

萬卷蟠胸次千篇秀筆端朝行期奮迅賢路竟

艱難雖難循良守久為文字官遺編幸無恙留
與後人看
伊昔初傾蓋擢文已甚工親聞南澗語謂有魏
公風既往言多驗歸來道更窮誨言非教佞後
裔報宜豐

魯少鄉言
輓詞

棣萼儀駕綴脩然兩鬢斑時清嗟歲晚遊倦得
身閒人在義皇上經傳伯仲間桂枝芳未已何
止倍燕山六十年間登科者十人
前輩風流泯靈光獨歸然指困推甲族跪履記

丁年有子傷埋璧惟翁亦蛻蟬功名雖已矣千載
尚遺編

陸郎中
輓詞

壯歲聯雙捷衰年困百罹肉身心佛子霜髮貌
嬰兒萬事幾樽酒百年千首詩浮生成夢覺吾
道竟何之
從弟忝東林相從二十霜人琴一何苦冰玉兩
俱傷別久成今昔歸來失老蒼稽陰終反葬西
望倍淒涼

梁仲蒼輓詞

延賞高三讓殊科擅一鳴元賓文未極長吉記
先成妙語遺膏馥玄談悟死生行人痛埋璧父
子若為情古今人物如君少相期上石渠博文該四部篤學富
三餘淚盡知無及交深未覺疎何時酌墳草細
讀茂陵書

王檢正回輓詞二首

到處稱循吏星軺復郡侯威名致降虜恩信感
亡牛省闈主公議祠庭尋舊游善人天不慙愁
絕峴湖秋

客授蒙傾蓋朝參喜綴班開藩才一水去國遂
千山晚遇名方重言歸鬢未斑功名付諸子含
笑謝塵寰

彭宣義汝知子輓詞

種德不在大至誠天所親但能存一念何用活
千人經筭儒風遠香山句法新功名付兒輩不
必在吾身
籍甚清湘守修名所在間宦途資畏友家訓仰
巖君歸路飛丹施長空慘白雲生芻不成奠揮
涕想江濱

未婺州 安國 輓詞

治行古循吏風稜真諫官鋤姦清遠徼特重息
羣謹久弄趙克印重彈貢禹冠去天終尺五惜
不見長安

莫銅陵 堂 輓詞

經學高餘子躬行慕古人儒風三葉秀和氣一
門春台嶺漸摩久銅官撫字均庠東亡二老凝
望淚沾巾

張泰州 禮本 輓詞

燕趙多奇士如公名不虛胸中九域志筆底百

家書報國心尤壯籌邊智有餘功名竟齎恨西
望倍歎歎

徐季節 輓詞

公府推徐揖山陽薦仲車盛時遺此老沒世竟
窮廬行道嗟無命傳家幸有書魯山終不識撫
卷倍歎歎

周德遠 輓詞

家世傳儒業鄉邦聳義風將迎無倦色交友盡
名公太學飛轂早浮生轉首空怡如堂下月猶
照紫荆叢 汝能

余永彥輓詞

戶外諸生屨門前長者車
柳袍空自染瓶粟竟
無儲隱行刑宗黨清風照
里閭沈冥誰為表賴
有子雲書

李堯鄉

唐佐

輓詞

里社久相從知君陰有功
救人多藥喜持論恥
雷同素業諸郎在浮生
一夢空淒涼宋清傳健
筆媿河東

方運使

有開

輓詞

聖主一見決孤忠自致身
籌邊滿軀膽處事掇

皮真氣直老彌壯言高用未伸
留屯十二事公
論付淮民

王觀國

覲

輓詞

晚識三珠樹方知獨笑翁
舊游虧半而遺恨想
高風小指墨猶濕殘膏澤未窮
梅花縞寒夜埋
壁眾香中

沈朝奉

雲章宜文之父

輓詞

相業富青箱丁年稔義方
生兒有如此與世遂
相忘終老三牲養凌晨一炷香
浮休了無恨流
慶尚深長

孫子才輓詞

身後名何用人亡意愈深蓋棺悲昨夢掛劍答

初心潛德仍能發遺言尚可尋悼元情更切接

隴柏森而衰嗣墳累以接隴柏森森以攢植元

謂道元揚戴侯之子也

梁運使輓詞

風月詩千首烟霞宅一區三年著朝蹟一節債

亨途南海瞻遺堞西門破老巫才高不盡用無

地寄長吁

翁府君輓詞

骯髒翁夫子高才喋不施林頭癡叔易夢裏阿

連詩德喪嗟何及天胡弗怒遺清風終未泯吹

折謝庭芝

徐府君輓詞

孺子人如玉功名不在身死生齊物外孝友篤

天倫已有傳家子會充觀國賓他年五桂傷不

見靈椿

魏監丞叔珮輓詞

元老餘風烈優游挹美官朝行喜銀艾鄰好許

金蘭醫謾肱三折生惟指一彈難兄秋夜感風

雨舊盟寒

族兄道州輓詞

出守春陵遠相思瀟水深精神雖滿腹撫字亦
勞心人去成千古書來失萬金懷哉季公諾已
矣漢碑陰

周太博

汝能

輓詞

雨漲雙溪水風高五柳堂論交成莫逆撫事祇
堪傷訪雪無回擢面山空夕陽亂鶯穿綠樹誰
復為傳觴

寧海駱君

季友

輓詞

古易人皆學惟君志益堅研朱滴秋露讀簡斷
韋編空谷甘無用佳兒尚有傳清風誰得似竹
滿臥牀前

臧溫叟

春鄉

輓詞

白首行逾恭鄉評敬此翁心開上池水氣襲舞
雩風禮貌諸公原教華一瞬空臧孫知有後三
世著陰功

陸宣城

梓輓詞

奕世承家學諸公薦吏能政傳花縣美心與練
江澄易篲去何速攀轅悲不勝傷哉羸博葬淚

盡老延陵

寧海劉君

次早輓詞

不識紫芝眉空傳有道碑義方真可法閭室肯
容欺未覺山川改深明晝夜知薤歌慙不稱冢
子素能詩

宋南雄

价輓詞

二宋久云遠遺風君庶幾才華試文戰政譽藹
王畿梅嶺方騰最雪谿俄賦歸情親今已矣老
淚不勝揮

莫子執

珪輓詞

樂有父兄賢談經絳帳前桂林孤素志芹泮老
遺編小阮情何切章烏業未傳樺閒最崇篤口
口話齊年

繆伯恭輓詞

我寔由汪出重髮托外門非惟拜先德猶及見新
婚謹原推鄉曲恩慈篤弟昆善人今已矣餘慶
在兒孫

吳通判輓詞

一死交情見鄉評重此翁素車奔夕夢繡被落
天風身任朋僚責心忘尺寸功毋書卓行傳非

介亦非通

趙縣丞

彦棠

輓詞

玉立佳公子
哦松始成瓜
拳拳餘邊瑣
寸寸畫江沙
慷慨志憂國
清修僧在家
送行詩尚濕
身世遽空華

石通直

莊問純度之父

輓詞

籍甚新昌族
真成萬石家
源流端有自
悃悞更無華
奉職冰同潔
持身璧不瑕
慶門傳未艾
蘭玉茁新芽

胡監獄

祇敬

輓詞

賦就八叉手
文高三折肱
青衫雙鬢雪
黃卷知檠燈
夢斷采芹水
神淒下馬陵
諸郎追五桂
洗眼看飛騰

趙司戶

琇夫

輓詞

奕奕佳公子
詞場早策勲
願為新進士
終屈病參軍
舊事成清夢
高標想斷雲
傷心桑落酒
無復到孤墳

端明殿學士王公

希呂

輓詞

片言寤主上
亨途幾向專
城佩佐魚羊
陸遐衝雖生折
高文宿憤竟
誰攄平時屢
草千言奏垂

絕猶騰八難書漢殿履教今已矣兩州遺老倍
歎歎短檠鉄硯用功深萬卷蟠胸不輟吟故國遁身
來濟岱壯年發藻向儒林愛民利物平生事憂
國忘家一片心史館頃年陪潤色挹公無路涕
盈襟

陳文恭公

康伯

輓詞

唐虞千載道重光奕奕元臣任贊襄謝傳風流
冠江左晉公威譽比汾陽折衝會不勞聲色輔
政惟先振紀綱天意高高誰可問坐令邦國難

云亡

德量汪汪萬頃陂直將去就佩安危干戈雖在
相尋日休沐宛如無事時奏罷未聞宮漏轉歸
來俄見哲人萎哀榮終始誰能及百世旌忠頌
德碑

王修撰輓詞

十載頻褰刺史帷名鄉風裁映紳綬慶門共仰
聯三鳳禁路咸嗟久一夔神武衣冠終遂志平
泉花木總成詩傷心積翠樓前月斜人攔杆欲
向誰

賤子何能直一錢
夫君子我獨知憐
樽罍談笑幾侵夜
琴劔周旋不記年
此去空懸徐孺榻
重來無復孝廉船
百身願贖嗟何及
哀涕霑襟如迸泉

何內翰 溥 輓詞

豪奪錦標天下聞
慨然有志整乾坤
諫坡論事言皆合
帝幄談經道益尊
千古高文在鼇禁
一時名士上龍門
經綸未究身先死
痛惜誰能作九原

潘大鄉 輓詞

直上青雲不作難
壯年何事掛衣冠
功名已矣乖時望
風節翹然見歲寒
鴻去冥冥矰不到
蝶飛栩栩夢驚殘
傷心耆老今無有
留得遺編向後看

張運使 孝仲 輓詞

惠周劔外與淮南
歸臥空山且避諛
宴坐幾年期不死
臨行一著信非凡
不應杜叟東高閣
真使謝鯤居石巖
欲向西陵尋宿草
秋風何日送歸帆

魏郎中 熊夢 輓詞

相公鍾鼎蔽詩聲鯉也聞詩蚤得名高隱碧谿
心更遠今遊湘浦句尤清握蘭未足酬吾志攬
轡寧知老此行今日哭君誰最切山房門下老
門生

姜衮監師仲輓詞

文筆無勞巧翦裁一時妙斲冠蘭臺王揚任宦
會相接游夏淵源有自來治獄心知有陰德立
朝人歎有餘才功名回施與子孫公亦何為不
豫哉
久聞政績最淮淝鄖嶺循良親見之梓里尚遺

前日愛棠陰還長舊年枝釣璜方兆非熊卜曳
杖俄與梁木悲千里佳城空望斷他時歸哭峴
山碑

李公執輓詞

乃翁志欲臥煙霞宅枕清江欲泛槎心地共知
容渤澥夢魂會不到京華伯魚久矣聞賢訓魏
子端能起外家彌望三江梁下水隴西德澤信
無涯

未日辛苦去朝天故作逍遙陸地仙老子平生
萬事足人間五福一身全厭看日月同奔騏擺

脫塵凡等蛻蟬重到江頭人不見曉風吹淚忽
潛然

莫將任隨輓詞

自歎清才久陸沈晚從內具用工深諦觀炯炯
死生際寧復紛紛利祿心載酒今誰問奇字遺
經古亦勝黃金十年契闊遽如許老淚臨風自
不禁

樊運使光遠輓詞代人

妙齡便有老成風孝友丹心天與通師友淵源
得西洛文章教價冠南宮固知夫子才難用猶

喜先生道不窮他日鳳泉山下路幾人下馬拜
塋中

樊侯勲德佐中興百世兒孫尚具刑闔境民蘇
御史雨列城人仰使君星憲臺巖冷獨裁豸道
院清閒誰掣鈴謠頌洋洋在人耳不須樂石更
刊銘

戴縣丞樟輓詞

蚤歲鄉書薦弟兄羨君再舉上青冥藍田方欲
新漫壁處士寧知卻應星忍向伯高將束帛誰
從小戴授遺經佳城得卜真前定忍看一翁衰

淚零

伍主簿景善輓詞

好賢兀不減緇衣客到公家如所歸二浙聲名
三鶚薦四山風物一顰飛桑榆冉身先蛻蘭玉
森森家正肥人有百身寧可贖發棠誰復濟饑
由來風誼獨穹然坐享家肥不計年墮憤何妨
分百萬指困寧復問三千靈椿老矣仁宜壽玉
樹種成身已仙衮衮公侯殊未已正應含笑人
重泉
晚年朋舊益凋零歎絕斯人莫兩楹不忍銜悲

讀佳傳可堪回首念平生交情君獨全終始人
物誰能繼老成清些楚魂招不得朔風淒切淚
縱橫

安恭皇后輓詞

天作周文合禕揄禮可觀屢陪金輦幸幾奉玉
卮觀吳女簪新柰梁房掩舊蘭春深蠶事起誰
復上桑壇
鬱鬱南山路傷心鳳翼紅哀歌淒薤露秘殿掩
椒風故劍恩雖厚中璫事已空但餘彤史筆內

傳紀陰功

又代人作

玉勝標祥兆，禕衣配至尊。柔儀高馬鄧，盛德邁娥嫵。鸞掖空陳迹，霓軒服厚恩。傷心臨七夕，素柰已花繁。

圖史懷規鑒，篇章妙翦裁。承觀方秘殿，委化已泉臺。幽壤湖濱秀，清笳日暮哀。未央當月望，不見翟車來。

齊國夫人曹氏

趙知宗之母

輓詞

痛哭王孫去，南來萬里餘。解衣催艇子，扶杖擁

籃輿已矣空。鸞鏡誰歎得，鴈書辛勤立。門戶地

下勿欹歎。

宗子今會子，夫人古敬姜。邛邴承孝養，浯水刻

恩章。湯沐封逾寵，芝蘭晚更芳。九齡天報遠，餘

慶尚流光。

齊安郡夫人金氏

趙左司公之室

輓詞

避地供湯餅，當筵接縞衣。倉皇奉神版，嚴險遜征駢。遇事智尤敏，相夫家寢肥。孝終無可憾，蝶

夢達芳菲。

五子俱英發，尤知仲氏賢。勤明真世濟，廉儉信

家傳別乘徑為郡高城欲捍邊版輿俄棄養事
業待他年

太淑人葉氏

單侍郎夔之母

輓詞

婦職躬蘋澗芳年誓栢舟壺儀全肅睦梵行極
清修具葉開空性神篋豁病眸飄然指歸路淨
觀日西流

為國生賢子三遷修毋慈版輿崇色養從橐勉
論思戲無老萊子平反雋不疑孝心天罔極腸
斷蓼莪詩

太令人趙氏

王帥枏之母

輓詞

令德比鳴鳩芳年誓栢舟承觀猶有戀曠達了
無憂方奉平反笑俄成汗漫遊哀榮誰得似同
穴樂哉丘
烟姪託三槐同朝得往來迎春煩設席舉壽荷
攜杯京尹俄遭難都人亦助哀琅垂絕語烈婦
信高哉

從姑太令人輓詞

伯祖八賢女惟姑壽且康又聞歌薤露誰復是
靈光采藻空南澗生萱愴北堂平生好心地持
以遺諸郎

太恭人劉氏王台州 輓詞

籍甚成天助薰然藹婦容家肥身愈約福脩禮
彌恭上壽九開帙湛恩四受封何人紀遺德女
塔正乘龍
衛氏一兒足他人總不如一麾欣義檄千騎擁
潘輿台嶽傷歸旗青山滿送車佳城流慶遠旁
可萬家居

太令人軒氏趙山甫母 輓詞

綠斷身先隱年侵鬢未華死生猶曉夢富貴更
空花佛祖親提印兒孫競起家無因拜靈几一

奠趙州茶

舊說蘇無著夫人亦正宗毒蛇橫在路粟棘更

無蹤無著贊臨濟宗旨云一條毒蛇橫在路上

蕭散超塵界扶持禮紺容覺庵誰嗣法別去德

雲峰

太孺人蔣氏輓詞

之死靡他志天乎不諒人嫠孤蓬在首艱苦棘
成新晚福容千指心空滅六塵平生貞烈意終

作生忘身

潤屋惟純儉居然法度循松楸先壟下風月舊

湖濱子婦皆知孝孫會亦可人浦江如可贖真
欲百其身

孺人陳氏之周子及 輓詞

教子推陶母相望百代前詩書經口授名節誦
家傳藝苑高鴻筆忠言微細氈源流知有自何
止父兄賢

令子齊年好相從識壺儀蕭生結綬日孟母卜
鄰時未卜升堂拜俄聞陟屺悲天涯致芻束淚
落薤歌亂

太淑人管氏輓詞

彤史久不作誰能有婦功寧知貴家子及有昔
人風鈿軸恩何渥芝庭澤不窮死生無可憾沉
已悟真空

陳夫人之程吏部 輓詞

作配知名士周旋內則篇宜家兼四德訓子見
三遷就養榮方逮歸寧病忽纏慶源流未已佳
兆得牛眠

張夫人之余元老 輓詞

婦德天然備肥家五十年平生勤內則晚歲識
真詮倒廩非徼福翻經亦應綠子門有孫子佳

氣藹新阡

王夫人

羅尚書外祖母

輓詞

婦德勝賢士
贅居成大家
陰功宜有後
餘慶尚無涯
楊惲出司馬
陶潛傳孟嘉
文昌紀遺範
外氏倍增華

恭人強氏

會南仲之母

輓詞

祠部源流遠
來嬪曲阜孫
事夫終婦道
訓子大吾門
頌誥思光渥
升堂笑語溫
相期送丹旄
馬鬣近周原

恭人董氏

劉侍郎之母

輓詞

敬饁尊夫子
升堂乳阿姑
鄉評推至行家
慶展新圖半世悲
鸞舞高年樂
鳳雛蜜章應
未艾卿月應階符

鹿夫人

同年應尉之母

輓詞

內外言無間
初終志不移
白頭供婦職
彤管著賢規
慶衍珠三樹
芳先桂一枝
鳳岑歸去路
含笑不應悲
慶霈疏封日
姑慈不忍違
人方侈君賜
我獨避恩輝
孝篤神應勞
風高家愈肥
新傳快女督
亦復掛冠歸

旌表門閭安人陳氏輓詞

婦德高千古鄉評徹九重柏舟終自誓石窳啓
新封孫子傳清白閨門慕肅雍死生無憾處了

不媿三從

旌姓朱陳盛夫人事愈明老姑俱上壽難弟各

清名詹事良翰之姊節行輝彤管門閭照赤城室鄰方

有託何忍送銘旌

盧夫人輓詞

名旌著岡頭武岡幽閨女教良人驚夢蝶衆

子慕桑鳩物化了難問壺儀誰為收于公有佳

北袞袞看公侯

百四從妹輓詞

姊妹二十四凋零餘二人他鄉忽傳訃老子倍

傷神已歎孀居久何堪逆境頻佳城千里外西

望淚沾巾

孝養至全終始真成乳阿姑衾裯長夜共甘毳四

時須衆子俱傳業諸孫足自娛吾家女兄弟似

此亦幾無

去歲桐川弟新從姊處歸備言家慶事猶著嫁

時衣尚欲尋松社寧堪哭素幃人生真一夢回

首事皆非

令人王氏表兄陳左史之室 輓詞

嫁早仍知孝夫賢自不貧事姑如事母憂物勝
憂身風誥思榮渥鳩桑德意均孺哀教不絕淚
拍不成春
宦達方資助家肥忽悼亡一區終異室千載尚
高岡奉倩神猶慘安仁鬢欲蒼黃昏愁絕處誰
伴紫微郎

宜人楊氏鄭華文之室 輓詞

里開依揚氏年家託鄭門升堂從壯歲擇壻得

賢孫婦德儀中壺陰功燕後昆尤憐吾女子流
說慈尊

夢人松榆社心游水竹灣勻歸期拜壽近侍望
承顏一昨聞微恙寧知竟大還佳城無路到夫
婦淚俱潛

陳夫人輓詞

旌姓甲休陽夫人懿範彰奇男已南省快壻更
東林珍錫人加嘆佳城神所藏平生陰德在餘
慶尚難量
雅有幽閒操來孀清白家相夫全禮敬見子致

清華方享承軒樂俄具陟此嗟誰將彤史紀大
筆為雄誇

碩人居氏 蔡尚書之室 輓詞

頃侍尚書坐會聞閫助賢晤言成勇退裏謁戒

私專夢斷松江路神傷薤露篇悼七千里淚疊

嶂想新阡 葬千平江

王夫人 周子及之室 輓詞

閫內誰無助夫人事特明傾囊資色養勉學就

清名遯世期高節 辭 風歎落英丁寧猶在耳伉

儷若為情

荆國風流遠幽閨女教循鵠原驚逝水鶴髮倍

沾中厚夜招香魄英詞列翠珉祇愁書字拙貽

笑衛夫人

王夫人 陳少南之室 輓詞

淑質依名士身期百不憂藁砧家萬里蓬首日

三秋陶母傳遺業嵇孤託舊遊幽原誦詩傳無

媿柏為舟

王夷仲夫人輓詞

彤史無人續誰能識壺儀蘋蘩奉先祖詩禮付

佳兒未見魚軒樂俄具鸞鏡悲藁砧方得路腸

斷悼亡詩

盛夫人輓詞

婉嫵閨中秀清高林下風相夫能盡禮教子使
移忠邊郡官無曠都城養得終壺儀今具在流
慶復何窮

恭人胡氏

陳奉直干

輓詞

懿行表閨房情親共盡傷繡衣來宅相彤管著

銘章劉提舉誠蘋澗誰供祀藁砧空悼亡芝蘭

俱秀發所恨失元方先表其

宜人聞人氏

趙婺州

輓詞

四郡歌賢牧魚軒從集旗深閨無裏謁色養謹

安輿故里稱家法諸郎讀父書美哉彤史筆三

誦為歛歎

宜人史氏輓詞

閔閱冠三朝尊公兩珥貂夫賢能盡禮家貴肯
期驕教子門風振澄神性地超悼亡無可憾直

筆付孫樵

安人鄭氏輓詞

勤儉佐家肥猶齊舉案眉錦封俱被寵鸞鑑可
勝悲謝砌森羣玉却林先一枝木華文雋麗銘

德聚堂碑

本唐事
為銘

家世戟如林來嬪藹德音功容俱可度疾疹遽

丞相文女
適曹氏

輓詞

相侵已矣空蘋澗誰歎助藁砧佳兒隨玉折尤

切悼亡心門風赫登輝劫此賦朝心無下

家世甘泉舊幽閨有令名賢明教陶侃勤苦佐

盧彥德
之室

輓詞

淵明蘋澗今何處鳩桑空復情誰知悼亡意揮

涕望佳城

孺人會氏

葉寺正
之室

輓詞

婉嫵應眉壽天胡弗與齡情深孫楚詠淚盡女

孥銘蘋藻空南澗芝蘭有謝庭越山埋壁處秋

雨濕銘旌

信國夫人秦氏

林子長
之母

輓詞

夫人富貴出懷綳擇配和鳴得仲卿鸞誥早能

封大國魚軒不及伴雙旌肥家得法晚無倦教

子登科新有聲歎息南谿未成屋鳳凰山下啓

佳城

茅夫人

鄭貴虛
之母

輓詞

清心玉映許誰同更有飄飄林下風政爾高情

協宗老故宜嘉遯樂龐公遠謀蚤識身為重晚
境還知性亦空已擬張林碑婦德合歸彤史巨
編中

孺人陳氏輓詞

追憶宮端舊典刑三貞沉復是難兄豈惟門戶
生光彩直使朝廷列姓名煙海乘桴誰可奪天
風反火報尤明雖云弟娣相從去自有英靈凜
若生

太碩人潘氏

葉尚書
翥之母輓詞

玉暎清心著壺儀閨房賓敬到齊眉豈惟山水

協高趣

宗少文每遊山
水往輒忘歸妻
羅氏亦有高情
與少文協趣更
為國家

更為國家

更為國家

生好兒

太宗賜張文定
好兒為國分憂
婆有福生得好
兒為國分憂萬
口共

萬口共

萬口共

推諸福脩八旬猶負一年期伯仁冬日應腸斷

終

終

不見堂前舉酒時

終

攻媿先生文集卷七之三

四明樓

鑰大防

今體詩

陳文懿公居仁輓詞

衆口推文伯何人識吏師義襟惟古有心地只
天知至死終無玷平生本不欺在公無可憾猶
恨哲人萎
珍館徑歸鄞人猶望秉釣郵傳千里訃哀動五
州民躡踊森賢嗣攀號感路人公乎不亡矣袞
袞看簪紳

宅相惟公久伊余忝後塵十年追桂籍兩禁踵
詞臣接武參吾舅承顏奉老親幸臣三學士何
意失斯人一別屢經歲歸舟已及門方期情話
悅空訝語音存善行傳千載蕪詞愧九原傷心
歌楚些無地可招魂

丘文定公密轅詞

謀國規模闊絕人才具高三朝十載遇四海一
身勞儒將通駕序樞庭握豹韜皇家資柱石天
遽奪伊臯

初擬文翁化誰知懷遠圖廟謨專制閩世將易
兵符養虎竟遺患斷蛇由不殊寧同死諸葛空
恨失吞吳處事拘攣外鋤姦談笑中幾年亡主將
全蜀賴明公畏愛眉衰日清和遺惠風屢書終不
盡詩意亦何窮

王忠文公十朋轅詞

夙負敢言氣輸忠不愛身劉蕡仍遇主綺季更
憂民治行真循吏風稜古諍臣楮紳千載恨不
得究經綸

梁木今其壞誰能問大鈞恩深兩宮賻哀動四
州民已矣天人策傷哉社稷臣吾生良可恥不
及見斯人

婁忠簡公機輓詞

壯歲志先定耆年氣不衰治高為縣日名重佐
州時雅望登朝著忠言徹帝墀亨途日千里闊
步不容遲
邊事釁初開惟公論不回深謀比婁敬極力阻
王恢兇戲何堪用冰山忽已摧朝廷治更化大
老盍歸來

共政三年久蜚英四海尊色詞無假借風裁弭
囂宣但欲持公道寧容啟幸門經綸終未究猶
有典刑存

察案侍儲闈如公久任稀載欣商皓起終惜漢
疏歸問字煩參訂談經賴發揮一書真總要星
日重光輝

得姓共東樓同朝兩故侯文編叨二序誕日頌
千秋老矣俱宜去公乎不少留來書墨猶濕展
讀淚空流

程文簡公大昌輓詞

論著大哉堯英聲早已昭橫飛欽遠業特立仰
高標言議超千載風猷聳四朝惜乎經世學不
及珥金貂
太上崇耆舊龍鱗手可攀胡為遯荒野竟復老
商山漢閣頌綸渥瀛壖擁旆還靈光遂陳迹西
望涕空潛
設卦探義畫隨山究禹謨仰天真見象畫地可
成圖健筆凌前輩殘膏浹萬夫登門嗟最晚猶
得覘宏模

楊武恭王存中輓詞

歷數中興將誰為第一功兩朝忠衛士四海雅
推公富貴無危溢哀榮有始終吾知尚遺恨不
見朔庭空

勇氣真號虎仁心劇放麈推鋒多折馘解縛屢
招攜細柳門堅閉長楊馬不嘶夜深星忽墮何
處問撐犁

父祖成完節丹心激懦夫枕戈臬逆首撫劍志
伊吾忠孝公何媿哀榮世所無從今紫荷橐接
武上亨衢

王爵報元勳臨危更致深鯨波飛戰艦狼子歎

江神木落淮南暮塵清塞外春功臣誰第一圖
畫在麒麟

沈憲敏公樞輓詞

天使魁鄉薦上令卿改官蚤我烏府勇終著侍
臣冠持節威行惠專城猛濟寬紹熙多舊學胡
不相宮端

仕宦接王楊諸公嘆老蒼門生多紫禁子舍屢
黃堂自得垂車樂誰傳卻老方桃花千樹滿空
憶舊劉郎
徐邈今非介申棖焉得剛立朝無附麗受謫吏

芬香戲綠衣冠盛園基日月長典刑今已矣無
復歸靈光
持論真遺直操心本至公羸貨寧市寵平寇不
言功光祿文階峻嘉興色養豐誰能死生際猶
得教之忠
晚出荷公知登門未覺遲通班依漢橐試郡守
蕭規藻翰猶頻寄宮牆不再窺新阡何處是西
望不勝悲

林正惠公大中輓詞

愛直趙清獻忠文范景仁累朝推舊德今日見

斯人正色欲廟上敢言寧顧身紫樞方大用惜
不究經綸
去國名逾重還朝道益尊清虛懷骨鯁嚴冷帶
春溫公綽真無欲臧孫尚立言駢筭雖永隔精
爽儼如存
凜凜古循吏堂堂真巨公死生忘度外邪正烟
胸中憂世心誠切籌邊事已空龜潭山水流
淚與無窮

觀文殿學士陳公駿輓詞

台嶽鍾神秀居然社稷臣海涵書萬卷魁冠數

千人南服頻懷綬西垣屢演綸惜哉真漢相不
遂秉洪鈞
幾見衣冠偉終聞羽翼成先皇崇舊學大政任
名卿神器親傳授崇朝再太平功成身自退寵
利一毫輕
朝著登門久詞林辱眷深代言稱據古議禮許
同心去國歸臨路還家寄好音病中聞赴告老
淚動盈襟

觀文殿學士趙公彥逾輓詞

千古盛周宗皇朝實比隆謂多擔責爵誰見立

史詔無窮

授受唐虞際從容平勃間宗英誰柄用人望屬

棹閒晚侍經闈讀寢登秘殿班帝鄉留不住歸

去老湖山

麾節稱循吏三朝諳政聲治如黃霸最心慕伯

夷清諸道俱遺愛西川尤著名起家臨制閩更

羨錦衣榮

聽履領簪纓忠言徹帝庭公方扶日月我亦寄

雷霆憂世形辭色卧家存典刑靈光更陳迹楚

些不堪聽

端明殿學士汪公應辰輓詞

制閩詩書師公朝侍從臣身能全進退人可得

疎親曳履聲猶在持衡迹遂陳從今幾百載更

復見斯人

蚤歲聲名大婆婆始遇時難况屏隔坐令子桂

芳枝人望還為用天胡不慙遺成蹊堪喻大墮

淚不須碑

道學不盡試功名祇緒餘立朝惟正色薦士有

遺書百贖嗟無及九京誰與居莫酬推轂意哀

淚濕巾裾

端明殿學士張公杓輓詞案杓舊訛
杓今據宋史本傳改正

籍甚張京兆精神滿腹中才高解牛刃手敏運
斤風河澌恩波遠屢間狡穴空章臺舊時柳無
復映金狨

英略古無對外庸今最良衆方期共政人已歎
云亡不聽尚書履猶懷太守章匡廬星忽墮丹
旄裊清湘
昔幸叅朝列于公更有連規撫包世界風義薄

雲天送別詩猶在貽書墨尚鮮偉人無復見惟
務寶青氈

仲舅敷文閣學士汪公輓詞

籍甚牢之舅難追宅相風惟公能愛我獨我最
知公潭府書無繼西州事已空形容盡心力庶
或慰幽宮

外氏桂成叢諸甥長養中名稱無酷似宦達偶
相同澹室既長往適齋俄考終絕憐三學士只
賸一衰翁

樞密謝公廓然輓詞

臣主一意合風雲平地生立朝專論諫為國總
樞衡行矣登三事悲哉奠兩楹輟瓜思意重終
始備哀榮
千古台山秀名流列鴈行惟公登政路一旦破
天荒故里空華屋佳城映夕陽送車無路到東
望淚浪浪

尚書尤公哀輓詞

敏甚五行下毫釐恥不知千人揮筆陣萬卷納
須彌有夏傳追蠡先秦拾斷碑鄴侯書插架分
付稱家兒

憂國言多切回天力有餘衆推真學士上念老
尚書直道終難進高懷只遂初梁溪釣游處此
意竟何如

舊學方登用公來領從臣末光依日月聽履上
星辰共政將圖舊騰章屢乞身甘盤終罔顯雨
露未霑新
北面願師承東臺拜老成忘年容末坐叙契若
平生風月吟千首雷霆寄一名送車無路到寒
涕為君傾

尚書湯公碩輓詞

先正真良弼形埤四拜麻決科承奕世摘藻擅
傳家禁路優持橐侯藩幾建牙相門宜出相恨
不見隄沙
奏即崇先奏即崇先契周旋古括州殿庭觀唱
承流方快飛騰上俄聞汗漫遊鳳凰山下路丹
旆想悠悠

尚書張公抑輓詞

文靖饒風度高皇記曲江賢孫真是似才氣號
無雙幾見持英蕩終看擁碧幢誠齋主詩社到
此亦心降

撫字推循吏論思頌從班宏才名北闕高興屬
東山同歲叨崇篤比鄰足往還舊遊成昨夢哀
涕不勝潛

商侍郎飛卿輓詞

矯矯真御史風生白筆端出持膚使節始著侍
臣冠給饜鬢先雪籌邊心為寒天手驚玉折不
及上金鑿
所至仁聲著甘棠幾去思敬姜嗟哭子伯道痛
無兒郎省傷連壁文闈見刻辭邊民紛墮淚忍
讀峴山碑

顏侍郎度輓詞

宴坐勿菴上
 晞顏亦是顏
 平心真似水
 立說信如山
 屢擁皇華節
 重登清禁班
 始終無玷闕
 風裁許誰攀
 祿養嗟何及
 朝朝飯一僧
 移忠宮蹇蹇
 錫類日杰杰
 報政優吳郡
 知賢仰阜陵
 清忠與公怒
 餘慶啟昆仍
 贅倅丹丘日
 眼看康濟泉
 同朝叨獎與
 侍坐得周旋
 妙畫多傳寶
 遺文合細編
 典刑今已矣
 西望涕潜然

曾侍郎炎輓詞

文獻南豐裔
 源流曲阜公
 巖巖雙法從
 凜凜舊家風
 金玉方交映
 人琴忽併空
 平生心地直
 流慶尚無窮
 紫陌尋春日
 惟公最少年
 鱣堂慚隗始
 熊軾媿盧前
 寄我書猶濕
 思君迹遽仙
 同登今有幾
 揮淚無遺編

少保李公孝友輓詞

戚閑疏恩厚
 勲門積慶餘
 弓彎飛將臂
 架插鄴侯書
 六纛秦官重
 三槐漢相如
 惜哉終半百
 聞

者為歛歛

錢殿撰佃輓詞

雋譽蜚庠校孤忠動冕旒
救荒心欲斷憂國鬢
先秋惠滿長江水風清入詠樓
禁途交一臂人物等閒休
扮社歸來晚脩然得故吾
俄詩頻刻燭點易細研
未有淚悲連壁無階奠
束芻名門餘慶遠丹穴看奇雛

趙待制粹中輓詞

明主晝三接清班歲九遷
一居周柱史徑入漢

甘泉批教嚴東省掄材上小天
平生經國志惜不冠貂蟬

詩近劉賓客手追歐率更
雙旌古良吏萬卷老書生
世諦浮雲薄生緣曉夢驚
吁嗟東向議何日遂施行
半世誰知己登門意氣傾
交情忘父行文會忝余盟
持論先忠厚談經嘆老成
幽光誰為發落筆淚縱橫

吳待制博古輓詞

御史再乘驄忠言沃帝聰
處心平似水疾惡迅

如風遇合嗟何晚論思信有功惜哉辛佐治竟
不到三公
三仕入儲闈堂堂夾日飛初同四皓起終作二
疏歸冰玉清班近衣冠盛事稀聞君忽仙去西
望是耶非
東甬預賓興文闈賴主盟菲葑無下體衣鉢有
門生劍佩今何處樽壘空復情自慙無報所老
淚為君傾

揚待制王休輓詞

望重威無怒仁深勇有餘百年憂國志滿篋賢

賢書德政不勝載才猷未盡摠佳兒人物似真
可大門閭

蜀道名天險馳驅敢憚勞劔頭懸六印夢裏益
三刀漢殿聯簪素燕山擁節旄惜哉規國意不
得試龍韜

蜀用東南彥皇家屬意深貳卿頻報政上相最
知心泛宅俱抗葦同朝擬斷金廟廊期引類疾
病兩侵尋
事契因同薦交情晚益親半生文會少萬里宦
游頻別後書猶濕歸來迹遽陳何能發潛德空

有淚霑巾

許待制尹軌詞

蚤擅文章價名公屢品題碑名摹諫省丘壑訪
愚溪得句追飛兔搗毫走怒猊遺編聞好在後
學仰筌蹄

十載更麾節陽春萬里同時時逢蜀士一一話

文翁到處留遺愛諸郎守教忠慶源知未艾往

日有陰功

陳秘撰舉善輓詞

陳氏多名德茲來慕典刑宮端驚宿草

謂邦彦案邦彦

名良翰官太子詹事秘撰又泉局自古有遺直

諡獻肅宋史有傳 祇今誰獨醒蒼蒼何可聞耆舊日凋零

跬步不忘孝掇皮皆是真移忠思致主務實見

臨民三諫言猶炳平生迹遽陳清風凜衰俗自

足盪秋旻

王給事信輓詞

主眷逢千載龍光傾一時銓曹著官簿禁掖粲
英詞論議推東省威聲懍北夷平生經世意懷
卷竟何之

宦學素稱豪仍聞吏事高精神雖腹滿撫字亦

功媿集
心勞藩輔連三組沈疴見二毛胡牀度接在殘
月墮江臯

余給事崇龜輓詞

烏府仍螭陞銀臺更掖垣事幾無弗論外似不
能言厚德鎮浮薄平心剴劇煩用才殊未盡無
地可招魂
桂籍兄聯弟蘭階子克家上恩嘉踵武京秩為
增華朝著蒙傾蓋綸闈覩判花遽成千古別南
望想悲笳

史敷文彌正輓詞

八行諸孫盛三公嗣子賢連收四鷄薦祇欠一
青氈郎省刑章肅侯邦政譽傳平生憂國意齋
志入重泉
學問源流遠樂哉賢父兄人琴亡舊曲風木愴
寒深聲痛幾成毀沈疴沆喪生孝恭無憾猶得
得傍佳城
少小相從久自慙雌甲辰交情日加厚姻好晚
逾親別去驚葭律歸來見棘人西莊行樂地望
斷為沾巾

袁府君文輓詞

家學傳三世凡間無二書力行真勇猛進取故
舒叙前輩多遺墨先人祇故廬後來窺甕牖表案

文字編名曰甕牖評志士為歎歎

坦坦幽人履恂恂長者言憂時見顏色樂道竟

丘園隱行推同氣高賢萃一門四明耆舊傳他

日數諸表

周路分良臣輓詞

蚤負功名志從戎豈素心治軍先肅靖游藝亦

精深湖海開濠氣雲天廓義襟高門尚餘慶蘭

玉正森森

台嶺論交契天街惜別離飛書能幾到埋壁遽

成悲舊識歸樵句在丹丘時探梅浮江李使君

節從谷口秋看結局詩紫髯無復夢空有淚交

頤

趙左司鞏輓詞

行誼高餘子文章自一家嶽神均容禮敵國歎

才華直節曾無苦全瑜更不瑕儒流有遺恨不

見草黃麻

淮甸爭錢幣夔城辨戍兵詔歸南郡近公去北

門輕避寵若將免求閒竟不成亦期無適莫一

笑老于行
許國終無撓
居家不願餘
深蒙明主眷
未覺故人踈
高論三千牘
陰功四一書
佳兒承積慶
端可大門閭
鄉貢早馳譽
即潛方比肩
求仙容我學
成佛嘆金仙
天癸年将暮
金丹語未圓
忽傳長別偈
天閣散雲烟

王提刑正功輓詞

庶白真家法
原由金紫賢
兄辭嶺南賻
弟卻澧陽錢
築屋吾將老
藏書手自編
老成俄已矣
聞

者為潛然

籍甚青箱學
醇乎赤子心
片言皆可復
一偽不容侵
處事幾游刃
論交欲斷金
諸郎傳素業
桂子看成林

二廣外臺首
威棱著一門
志期諸郡肅
忍見匹夫冤
奮擊猶鷹鷲
興詭有兔爰
投閒了無恨
此意與誰論

伯仲三珠樹
優為一世才
人琴先起恨
金玉遂俱摧
南阮方深痛
阿連尤可哀
桃花源上路
老眼更堪開

王大卿正己輓詞

少壯節先著年侵氣不衰忠雖尤父教清亦畏
人知處世無求安時竟數竒甘泉人物會一老
漢空遺
麾節東南半澄清觀一時權輿周翰傳頂踵阜
陵知自謂二宜去人稱三不欺卷懷終未盡流
慶稱家兒
圖史但環堵江湖幾問津雖多暮年樂誰忍半
生貧海內清名滿毫端秀句新風流嗟頓盡晉
韻更何人

老去王摩結歸來道更全賸添天美祿真得地
行仙日欲增三徑君胡欠百年桃源不無路重
上慘風煙

劉吏部僕輓詞

總角異羣兒度趨蚤學詩一鳴登桂籍百里靜
潢池所至清民瘼平生號吏師即闡方進用何
乃棄明時
剽劇最雲間題輿上越山洞庭王澤遠庾領使
星還中道趨臺治名曹切近班陰功多及物陽
報看循環

誰擾奚山衆焚林獸已窮徒薪能遠慮下瀨得
深攻南嶠肩隨息中朝論愈切但知分謗喜寧
肯自論功
兄長與慈恩相親色笑溫公方持使節余忝代
王言共約遊三徑俄悲作九原佳城隔風浪丹
旒愴飛翻

朱南劍輓詞

再四文章伯三朝侍從臣傳家推篤學遊宦肯
謀身別駕歌章水甘棠想劍津虛堂兩遺像誰
不倍傷神

朔望第一客巡察意更親有詩欣和韻不飲喜
娛賓名帖藏中古珍茶施早春據筆猶矍鑠何
遽迹成陳
綦戰久不對詩盟亦寢寒方期會真率乃爾變
悲歡歲晚本無憾情深那忍看佳城何處是東
望淚汎瀾

石南康整輓詞

挺挺石可轉恂恂衣不勝平生憂國志長夜讀
書燈大易窺三古中庸進百能惜哉天不憇無
復見川增

家有春秋學淵源更得師風高蓋公舍淚落蔡
邕碑官早終難進才全竟弗施遺編屬賢子孝
謹不應衰
伊昔為君御儒流賴主盟執經容後進傾蓋若
平生生見埋黃壤空勞望赤城友朋相與泣反
袂不勝情

鄭華文若容輓詞

蚤擅春秋學賢閔第一流少公清澤國贊府著
神州試邑人交薦還朝譽更優如何急流退不
使上瀛洲

籍甚柯山政

兒童識貴溫

葉本籍有賀鄭貴溫
寺丞直華文閣致仕

詩貴溫當是
若容之字

歡謠聞魏闕殊寵鎮吳門就養家

傳子休官及澤孫吾鄉耆舊傳千載德彌尊

兄弟忝同登論交最有情顏波知勁節徹底嘆

真清正爾尋姻好胡然喪老成抱疴難執紼揮

淚望佳城

袁通判章輓詞

大道知如路一心長似齋毫期稱不倦胃次樂
無涯孝謹古難及友恭人自懷無瑕夜光壁黃
壤痛深埋

盛德不容贊多言可奈何大圭原不琢古井竟
無波前輩苦凋謝後生誰琢磨同庚適齋老託
體共山河
僅有一區宅曾無二頃田相過惟載酒至老不
言錢幾得拜牀下何堪哭道邊門人多著籍下
馬向新阡

張工部李樗輓詞

忠簡傳清白家聲屬弟彘惟公殿諸老積善見
多孫兩桂昌書種雙椿藹慶門壽終無可憾况
有典刑存

壯歲登郎省旌麾歷五州仁聲號循吏治行最
諸侯憂國言多切籌邊慮更周積新無恨望終
老得夷猶
教局同寅舊雌堂屢肯過故人今有幾朝士更
無多問信書猶濕相望鬢已皤忽聞埋壁痛薤
露不成歌

高端叔元之輓詞

百氏極旁搜潛心老不休鄰光時自照簞食孰
堪憂弟子多蓋綬先生竟白頭淒涼數間屋知
我獨春秋

鐵石賦梅花閒情白玉瑕
兩公終磊落千載敢
誼詳清節成瑰偉浮詞尚
蘖茅君看死生際不
見一毫差
滿卷變離騷歐公一素袍
豈惟將厚意要使勻
殘膏宿草成千古生芻為
一號雖無韓子誄貞
曜本來高

趙提刑子澂輓詞

毓秀從天派盱衡動至尊
使星方炳耀卿月遽
侵昏已矣悲吳館誰歟
護北門慶源流未艾艾
獻藹諸孫

處事才游刃論文辯粲花
英姿凜熊豹健筆走
龍蛇持橐身終外垂車
夢到家平原花木在愁
絕舊生涯
客授早登龍襟期一笑同
門清心似水論正氣
如虹近問書猶濕重來
跡遂空無因送丹旒老
淚灑西風

李撫州庚輓詞

與物初無忤臺評反謂傾
麾符成漫仕林壑寄
平生跪履嗟何晚揮犀
空復情天台隔風浪無
地拜佳城

李下真無徑門前可設羅詩如翰林逸書似鄴
侯多奇字今誰問遺編尚不磨從來好哀輓
露忍興歌
蚤歲文敏振長沙見賈生積薪看晚輩推轂致
名卿子舍真連壁生涯付短檠風流今李漢極
口贊冰清

張欽州舟之輓詞

少從東牕句從君見典刑義襟希實十才忍比
庖丁古錦悲鸞偶寒原愴脊鴿恂恂守家法蘭
玉滿階庭

姻好自諸馮東牀取阿戎平時深念我晚歲忍
銘公書字今猶濕心期誰與同回頭三十載灑
涕向西風

錢江陰似輓詞

廬嶺梅花暖賢侯惠愛深精神雖滿腹撫字亦
勞心九轉竟難遇二毛何處侵傷哉東逝水無
復大江陰前知江南安軍
客授向東甌君為郡督郵豈惟察契篤更喜吏
才優每嘆頻年別俄驚一夢休虞山渺何許淚
落不能收

李刪定叔益輓詞

積善務增厚求名惟恐多
白圭寧有玷古井竟
無波議法資修定監州
極撫摩佳兒傳素業留
眼看巍科
冰玉心相照誰云內舉
私深居無浪出清節畏
人知尚憶紫芝宇無慙
有道碑填空雨黃葉西
望不勝悲

樊運使光遠輓詞

科目公餘事南宮第一人
七閩新使節三署舊
儒臣倦拜方辭餽哀良
莫贖身家散知有繼仙

桂兩枝春

橫浦云亡後斯文付此賢
命其隨道喪學又絕
心傳河洛湮來派西州
憶舊緣傷心耆老盡揮
淚對霜天

丁寺丞允元輓詞

家世傳經術膠庠藹雋
最上方思舊學公乃擅
專城滁上功尤著潮陽
政愈明哀哉鐫流水猶
解不平鳴
嚴冷不可向其中寔曠
然行藏睽素志燕樂了
餘年鶴化人何處鸞孤
影自憐才高不盡用流

慶尚綿綿

曹工部報輓詞

箕穎文章士儀同社稷功惟公承慶裔有意振
家風祠祿真崇道郎潛嘆老馮傷心循吏手齋
志九原中
宦達推公早丁年備皂衣幾為銅虎去終向石
橋歸齊國世臣少貞元朝士稀松風談笑地面
首倍歎歎

范致政錡輓詞

義俠久無迹吾鄉見此翁紫微欣稅駕飛將許

同功銀茜聯恩渥金蘭藹義風雖增羸博恨猶
喜桂成叢
酒後昇平曲閒中安樂窩千金曾累致一醉竟
無何老驥志空在孤鸞悲亦多相望終歲許託
體共山阿

梁審計季琦輓詞

壯歲薪頭角夷途試著鞭羣公爭倒屣諸老亦
忘年論議傾朝譽功名短世緣神傷賢伯仲風
雨夜無眠
壽夭固難問吁嗟不忍言嬰帝摧玉樹衰滂灑

芳萱事契深
羣從英才愴
九原悲吟慙
楚些無地與招魂

呂崇德畫問輓詞

剴劇推才刃
臨機妙斲輪
傳家得清白
滿腹是精神
未上金閨籍
空留花縣春
善人陽報在
蘭玉正洗洗
回首情親處
相過瀨水陽
十年能幾見
一疾痛云亡
縣郭山空秀
家園橘自霜
主人今已矣
鷺鷥亦淒涼

王縣尉彥正輓詞

幹蠱恢才忍
誰能貨殖私人
皆競毫髮我獨破
藩籬風雨空
殘夢池臺愴
昔時板輿臨穴處
行道亦無悲

潤屋公餘事
能為人所難
蓼莪遺恨在
夜雨舊盟寒
家有書堪讀
囊無錢為看情
親悲不那望
絕旄飛丹

唐舍人閔輓詞

鴈塔名三世
螭坳侍九重
循循儀學館
諤諤著囊封
至性悲三金
高懷薄萬鍾
典刑傷不見
哀涕忽無從

夷路方馳轡甘泉喜問津廟廊平日志露電百
年身指掌雖多恨為箕自有人發棠陰德在陽
報質蒼旻

徐少卿子寅輓詞

聖主一言寤長淮干耦耕山川皆在目草木尚
知名盍被腰金寵徒為攬轡行諸郎襲餘慶定
自不慙卿
所至多遺愛丹丘最有聲奉常千載久攀攀一
城傾已恨數離別寧知隔死生湖邊舊門巷一
到一心驚

陸提刑洸輓詞

數馬謙恭甚揮犀色笑溫風流士龍裔文采左
丞孫晚幸成三徑身胡遽九原素欽仁者勇大
獄竟平反

早歲擅詞場夷途列鴈行一麾分楚甸雙節照
江鄉蓮社容寒晚葭葦接老蒼八句俱已矣回
首倍淒涼

陸參議沉輓詞

中外衣冠盛流傳識後凋聲名三語掾身世半
僧寮寶晉書尤逸坡仙隱可招梅溪殘月墮燕

沒舊風標

飾吏先儒雅低徊五十霜
荏苒蒲掃韶右桑柘滿

黃岡知己平津老家傳
刪定即八龍無半在風

雨夜侵牀

蔣慈谿鷄輓詞

伊昔丹丘去相逢意氣傾
樓前巾子秀山下育

泉清敬梓情逾厚交梨論
月明淒涼千古意潮

落又潮生

下筆欲生風磨礪日有功
推敲詩益鍊駢儷語

尤工經問南雷秀家傳
十八公詞人誰可繼文

陣滑稽雄

吳大監飛英輓詞

庠校啟明早朝廷譽望
尊忠言如日皎笑語若

春溫四擁皇華節屢登
金馬門用才終不盡流

慶在仍昆

曠典將行日南宮得舍人
銓衡輕易地造化漫

勞神舊事誰能記交情
我獨親吁嗟三昧手不

見掌絲綸

俞通判茂元輓詞

強仕賦歸去頻年亦漫行
宦情雖淡泊官事極

精明贊畫王公幕監州亞父城佳兒守遺訓清
白勝金籙
象色推三俊靈光賴此賢老成俄已矣遠邇為
潜然孝敬心何極公平錄尚傳佳城隔風浪忍
賦薤歌篇

陳崇道輓詞

學造龜山蒞詩傳汝水餘于公足陰德陶令竟
間居白業追蓮社丹經授寢虛其父號寢虛先生平先
了無恨善類勿歎歎
未第聲先振纔官節以竒精誠與神合隱行畏

人知晚境終無玷遺文尚可師功名齋志歿回
施稱家兒

鮑潮州瀟輓詞

三試皆前列一官何後時低徊廣文舍齟齬使
君麾遇事有如燭衛生寧及葵蔭游成隔世流
涕讀新碑

客授壬辰歲魏科盛永嘉芹宮屢揮塵竹院幾
烹茶假守深交誼清淡及道家猶懷郡齋晚羣
雀噪簷蛇

玫瑰先生文集卷七之四

四明樓

鑰天防

今體詩

殘月如新月

近梅月猶在蕭騷夜向晨已殘幾欲盡忽見恍
如新老桂沈清影餘輝釦半輪纖纖兩頭玉皎
皎一鉤銀明似哉生際光疑太逼真妝樓誰起
早深拜誤佳人

災背俯晴軒

災背情方適融霜日正燉何妨憑曲几相與俯

晴軒愛景欣亭午閒身得負暄映簷成白醉挾
續謝竒溫豈止寬寒色猶思奉至尊桃花滿肌
骨佳句憶王孫

置酒沛宮

漢祖功成後時因過沛宮還鄉上心喜置酒故
人同高會延遺老酣歌和衆童窮歡新笑樂起
舞舊英雄慷慨悲遊子軒昂賦大風永為湯沐
邑何用築新豐

天寒割蜜房

場圃功初畢天寒樂歲穰山居收蜜課簷外割

蜂房弱羽依晴日纖腰怯曉霜鉛刀開戶脯棘
七薦甘香作室何時再趨衙未用忙百花辛苦
處今日為君嘗

黃知橘柚來

一舸放長江遙林底處黃自知來橘柚先已照
滄浪綠葉凝烟蜜金苞射日光迎蒼縣雨暗
識洞庭霜味詫江陵種庭垂禹廟荒何如船上
看數里更飛香

背水陣

十里當劼敵臨機事寢危草山兵已遣背水陣

尤奇前澤書誠有行權我獨知正須投死地何
用惜羣疑拔幟終如約傳餐亦應期孫吳非紙
上方略要從宜

鯤化為鵬

鯤大幾千里揚鬣氣日增一時化羽萬古記
為鵬鱗族疇能比龍門不足登天池將轉從雲
翼快飛騰怪矣齊諧志壯哉莊叟稱鳶飛與魚
躍曾不事誇矜

一月三捷

勇甚鷹揚將身從虎穴探六師心不二一月捷

凡三戎卒時非久邊庭戰已酣神戈窮逐北露
布屢馳南貌旅彌思奮狼心敢肆貪七旬有苗
格較德可無慚

清泉潔塵襟

駭客事幽尋清泉一派深居然浮爽氣聊用潔
塵襟徹底明蒼翠澄波漾碧岑應添山澤趣盡
滌市朝心洗耳何妨聽吟詩更喜臨至哉天下
樂穩坐讀書林

物色訪巖光

肥遯推巖子招賢仰漢光營求思舊學物色訪

羣方聘問期終得形容尚未忘羊裘方審識蒲
乘遂搜揚不羨雲臺繪還歸釣瀨傍高風今尚
在江水與俱長

冀北馬羣空

冀北雖多馬知惟伯樂工
抵因良種去便覺舉羣空
遍視千蹄衆先收八駿雄
漫聞餘布野無復見追風
騏驥方奔逸駑駘豈混同
倘非一顧鳴意孰能通

習馬良楊

強漢承平後兢兢武不忘
整師臨五柞習馬向

長楊冀野來騏驥天閑出
驕驪騰射熊館馳驟華山
陽輦路千蹄穩瑤池八駿
良上方勤閱武願賦翰林章

飛泉漱鳴玉

翠嶽幽深處飛泉觸石鳴
跳珠無定態漱玉有餘情
雨落千尋溜風傳萬壑聲
玲瓏鏗璧韻激濺破瓊英
漢水思遺珮滄浪想濯纓
何須韓吏部聯句賦琮瑋

表兄陳安行遷右司仲兄遷大理丞
余遷大府丞舅氏適齋寄詩為賀次

韻

東塾談經歲月輕外家生長復何營王生此舅
若無有楊煇一書安得成首寄新詩欽厚意卻
思往事念平生當時更荷外祖母幼惠尤憐盛
氏甥
為時敢說宦情輕公退委蛇懶自營朝路一時
偕寸進適齋新句已先成園師沈復今同里武
子非惟愛外生舊日阿童今欲冠此恩更欲到
彌甥

適齋挂冠次韻

致仕吾非不待年禮經自合詐求田祗圖徑取
衣冠挂不願更尋香火緣富貴鼎來先避地是
非叢處獨翩然節峯相對兩真隱共仰元台為
大天
世事相牽無了期平生待足是何時拋官不作
九閭夢納祿尚餘三徑資紫綬金章寧復戀黃
冠野服自相宜耳根贏得長清淨理亂從今不
用知

余初除西掖適齋惠詩以二甥相繼
續綸為喜安行表兄貽書喜溢于辭

謹次韻為謝竝屬安行

漕臺生處寢之牀叢桂還分一葉芳紅藥階邊
懷老謝桃花觀裏憶劉郎首煩賢舅書增喜想
見慈親色更康無忌安能真酷似願從外氏借
餘光
敢謂封倫據此牀幸從科級紹餘芳紫薇繼直
中書貴叢桂猶為同舍郎太史書傳得楊惲涓
陽情厚為秦康外家宅相君餘事魚目何堪比
夜光

余旬即得娶適齋以詩相迎次韻

風際瑞宜躡退飛青雲高處有危機屢遮西日
成何事幾向東風詠式微塞馬云何真是福鱸
魚正不為知幾休論池上翩然舉且奉潘輿得
賦歸

適齋約訪王卿正己已而中輟次韻

歸來親戚語通情準擬流光得再行已荷適齋
容接武敢從酌古遽渝盟烏衣門巷人非遠綠
野樽壘許未成官已得閒身未暇因仍恐或過
清明清

謝太守送雪次適齋韻

一冬祇見曉霜寒未得飛靈萬里看多謝黃堂
贈圭璧欲從乳寶倚欄杆簾高安有冰成柱坐
久空餘水在盤歲晚願呈三白瑞要觀積玉滿
林端

清高閣觀雪次適齋韻

衝雪上層閣真成清且高主人風節峻坐客笑
談豪泛棹訪安道賦梅思水曹好因牕映夜痛
飲讀離騷

真率會次適齋韻

喜奉潘輿得退身烏衣相會總情親樽前正好

醉千日林下何妨見兩人閒暇止應開口笑詆
諧尤稱掇皮真夜歸更作驚人語舅氏從來筆
有神

楊聖可棊集余方歸自桃源不及預
次適齋韻

屏處尤便野性慵故人何幸得相逢賦歸敢慕
陶彭澤自免猶希卮曼容棊酒交歡情正洽江
山得助景方濃嗟余誤入桃源去歸路滿城聞
晚鐘

汪達可招遊臧園次適齋韻

城下名園稱老乳鶯飛燕共低徊寒梅送臘曾
先到嫩留春喜再來眼底芳時能幾許樓頭衙
鼓漫相催主人好事不嫌客素壁揮毫又一回
滿架醱醑恆雅懷更添林下紫徘徊平湖不怕
重門阻勝賞何妨後日來酒興已隨斜照遠詩
情無待片雲催黃昏鼓棹欲歸去望烟林首重
回

士穎弟作真率會次適齋韻

何羨祖希情好隆朱陳累世意交通舅甥巾屨
頻相接兄弟樽罍喜更同參坐幸容攻媿子主

盟全賴適齋翁日來愈得清閒趣斗酒不妨時
一中

弔王卿之喪次適齋韻

去歲同登百尺樓相期春晚更重遊丹藏大壑
夜俄去橋跨清溪花自流五紀情親真是夢四
山風物總成愁一朝千古尚何及空使文皇嘆
薛叔

喜雨次適齋韻并呈郡守吳居甫

一早禱而雨此心天與通為霖三日足起舞萬
家破塊朝方爽翻盆夜正中隨車真響應巫覡

又何功
洗印日無幾載
艾春已移龍神來
鄒嶺香炷
流波自是受
屢許堪為學稼
遲洋洋添野水已
足樂吾飢
雨師爭自效
風伯尚何施
膏澤由分闈
空餐愧
奉祠農功今可濟
水利更無隳
喜雨無煩記
行
人口似碑

安行表兄除華文閣直學士奉祠
次適齋韻為賀

屢報銀臺給事中忽聞喚渡浙江東
長安幸免

手遮日圓嶠莫嗟
船引風塵繼真祠
身暫逸班
班聯內閣春方隆
且歸同伴適齋老
便看鋒車
召此翁

送安行表兄葬次適齋韻

深沈仙洞鎖神清
萬壑松聲不似晴
宿草他年
空悵望生芻今日
寓精誠山川氣象
渾如舊劍
佩風吹儼若生
猶記玉音稱
酷似始知無忌乃
其甥

尋春次適齋韻

一自東皇天上來
坐看芽蘖起枯荑
化工潛有

洪鈞轉春事何勞疊鼓催晚景鬢凋寧再綠去
年花謝又重開賞花携酒那容緩走遍郊原莫
便回
曉來陌上雨班班同社相將便出關席地方堪
尋酒所得園徑與坐花間從教多病須行樂任
是清貧也破慳門外紅塵深幾許人誰能得此
身閒

次適齋韻十絕

休官

人生寧間草堂貧乞得閒身且徑歸慚愧舅甥

俱就隱淡然相對兩忘機

發書

故人惟賴幾行書今日誰能更訪吾舊日熱心
今就冷向來已自得揶揄

見客

客至何妨送與迎門前羅雀亦人情可憐寒士
猶相望時有飢來柳絮輕

出謁

杜門卻掃漫多時間傍人門亦漫為茶竈筆牀
烟浪去自疑身是老天隨

赴會

此身未老已先閒到處時時盡醉還更欲相邀
蓮社客共尋精舍上孱顏

病起

老去情懷百不宜上樓腰脚覺舒遲適齋異稟
入難及病起精神略不衰

安心

但使心如水在槃坐令四體自然胖有人來問
安心法將汝心來為汝安

讀書

伏老無如大字書聊將遮眼度三餘有時忠義
忽相激間遇包胥與子胥

染鬚

染鬚欲學少年時笑殺當年榮啓期公道世間
惟此耳年來猶幸不相欺

修養

聞道壺中別有天能將俄頃比千年千年俄頃
俱成夢只任天真卻晏然

同年鄭貴溫寺丞直華文閣致仕次
適齋韻為賀

先生久矣愛吾廬絕勝揚雄宅一區賸有珠宮
來海石不妨茅屋繞畦蔬來書已許尋前諾結
社方將約並驅更欲相邀預真率車公豈可座
間無
倦遊歸騎自吳門欲上封章叩帝閣俞旨肆頒
旌素節華文進直示優恩淵明妙句羣賢和疏
傳佳名萬古存加我數年祈謝事此心難與俗
人論

次適齋韻四絕

初得曾孫女

外子惟知媿可攻羨公八十未衰癯曾孫喜見
新文祿尚想當年擲鏡翁

茉莉花

江南創見喜孤芳見說閩花徧海鄉安得一居
香盛處帳中巧作寶毬妝

從子深滌築居荷池上

樓臺牆宇家家月楊柳荷花處處風最喜兩涯
相映帶一時倒影入池中

山亭納涼

不嫌西照為朝曦城郭誰知住翠微天幸外門

纔咫尺欲陪杖履夜忘歸

次適齋韻五首

山行野老問年

田夫笑把褐衣牽莫問壺中別有天
齒髮雖殘渾未覺精神愈勝果何緣
公言已老偶能爾我本無心只自然
百禱百分纔及一定因椿壽八千年

堅鄭貴溫棊社

二公休致我來歸儘可同裁隱士衣
此已屢謀登竹所君其無吝造城扉
人間厭見手翻奕

處須當頤指揮涼氣一新宜近酒盞簪
莫似向來稀

秋涼有感

公看魚躍與鳶飛鶴脰雖長斷則悲
世事不容人苦較秋風自有葉先知
青奴難免交新絕素扇寧須手自持
宋玉賦篇終未遠不如老子笑成詩

論悲秋者

黃雲萬頃一時收喜見高空風露秋
歲事及今將告畢人生到老盍歸休
固知景物能興感亦

有痴人苦過憂胸次果然無一累豈容秋月使人愁

舅甥賡酬之樂

神明未覺晉公衰老母尤忻兄弟怡范甯王忱
無許壽年之無忌不聞詩秋風對酒勸酬處夜
月乘橋來往時但要兩家同此適不須更遣外
人知

八月十四日夜携家泛月次適齋

韻

月到平湖金作波一城惟此占秋多水晶宮裏

清無比夜深幾得聖之清

稍先一日是中秋行徧芙蓉與菊洲作意安排

卻非適不如乘興徑行舟

猶記年時看水嬉不如比夜月相宜仙翁一醉

非塵世為問姮娥知未知

草草真成一段奇比鄰非不借餘輝板輿何敢

侵風露略望簷間且勸歸

次適齋韻十首

懶學仙家煉火還但欣晚節在林間駕行免奏
三千牘駕駕難參十二閑短艇有時浮綠水輕

與到處賞佳山莫言冷淡為生活冷淡終然無
艱後

秋來病體費支吾深閉柴門臥草廬藥裏多尋
醫者問酒樽寢與故人疎特須勉強陪來客未
免辛勤答遠書此外儒生真氣習簡編猶欲趁
三餘
大率舟行岸自移機緘何必更相思雨餘坐見
水三尺雲淨喜看天四重荷沼已殘霜後蓋桂
林初綻白邊枝間中氣味深長甚問卻西風總
不知

幸堪擊壤樂清時衰病情懷百不宜祇好灌畦
陪漢叟更欣學圃樊遲逢人草草須傾酒得韻
忽忽且和詩琴意高低猶自適高山流水久心

知

甥舅相尋向酒邊相忘情話更怡然人言難遇
雙延閣自媿叨聯兩大天只覺光陰詩裏過何
妨枕簟醉時眠此中別有真消息莫為人間醒
者傳

從來憂道不憂貧晚向閒中得此身直把宦途
如夢過任他世事似碁新坐間可說舊時話眠

底幸多同社人賡唱本求閒燕樂莫誇末路費
精神
自憐鶴髮奉慈親舅氏還欣託比鄰已向雲間
收卷翼甘從波底作潛鱗果然松菊連三徑誰
謂神仙隔一塵野服相從成二叟不須更現宰
官身
笑他吐吐向空書既老投閒計未疎釜裏有魚
長自足門前無雀是吾居休論仙子生塵襪莫
問高軒織翠裾百念已如灰樣冷更無驕色與
人鋤

秋宵坐到玉繩低歷歷明蟾數桂枝重露半翻
蕉葉徑好風時貼豈花籬不妨起舞弄清影何
用撞鐘誇小詩濁酒困人垂欲睡更指病眼一
揚眉
秋到先生舊草堂涼飈林葉已飄黃漸看天宇
清霜肅更覺人家白晝長歷世已經三折臂坐
愁何必九迴腸世間舊事消磨盡祇有詩情未
遽忘

客省中次適齋韻

三年此日綺筵開盛意勤拳不待催豫約行人

須已集先欣數客肯俱來詩筒纔到先賡韻酒
興方濃莫算杯更欲秋深窮勝跡鄒枚後乘可
容陪

花若開時定自開芳心深靚不容催上人又有
新詩出佳客應尋舊雨來樓上已聞香撲鼻堂
前儘放酒盈杯高燒銀燭照花睡便到更深亦

願陪

定數無過偶與竒達人循順更安時不于椿茵
量長短豈為彭殤較疾遲雖是一時身有疾行
開九秩壽無期外生六十頭先白杖履相從最

得宜

戲和適齋絕句三首

脫索

纏縛千遭趁酒巡環觀巧手競稱神莫言名利
韁鎖猛烈抽身亦在人

藏摩

儘教逞技儘多般畢竟甘心受面謾解把人間
等嬉戲不妨笑與大家看

傀儡

假合陰陽有此身使形全在氣和神王家幻戲

猶堅固線索休時尚木人

晝寢正酣適齋以二十韻詩來亟為

次韻

老氏正求知我希吾今老矣更何之極知仕宦
皆由命縱有功名已過時覽鏡形容寧復我還
鄉交友定從誰慈親多幸方難老舅氏猶欣未
覺衰教誨至今仍似舊襟期暗合自相知新詩
必使篇篇和勝地還容處處隨晝永劇談俱喜
聽夜深清坐更忘疲素欽行已初無玷願學持
心不自欺紫索清班叨預列黃金橫帶忝同垂

六旬顧我猶加懶八秩如公尚自持但仰三尊
知共慶孰云十拗敢輕嗤無情到此方為達省
病從他不用治世事只將同蝶夢人生幾得見
雞皮觀書自識非求解策杖徐行莫厭遲儉素
何妨貧勝富優游真是樂忘飢雖然調樂無干
指儘喜當歌有十眉報謁要須親自到赴筵直
以散為期醉翁雅意非謀醉棊社清歡豈為棊
白髮只宜甘散誕紅塵任彼自奔馳安輿來往
常陪伴此意終身誓不移

次適齋贈少微兄韻

汪樓比屋古城隅彼此清貧不願餘南阮諸賢
今有幾東林佳壻竟誰如歸鄉年亦非全老對
酒情猶未覺疎來往兩家無倦色此身瑞合老
犁鋤

桂花方開約客次適齋韻

久疑岩桂儘遲開留待來朝伴舉杯老去欲尋
千日醉客來同引百花醅况臨高閣枝枝秀好判
閒身日日陪家釀盡傾君不惜莫教瓶罄恥為
壘

蔣德尚棊會展日次適齋韻

棊社經年能幾回身閒深幸屢參陪一旬又見
朋簪集三往還應聽履開休苦索居徒面壁何
如相遇且銜杯雖由藥裏寬初約不得重尋舊
雨來

太上皇帝聖體清康老母進封信安
即太夫人適齋除敷文閣學士有詩
為賀次韻

清朝孝治古無倫通籍推恩總及親八秩升班
惟二老九齡拜命更何人春初慶集歡猶在歲
晚宸綸喜共新須信長年多富貴祇因同見會

昌春

吾母年高絕等倫
痴兒何幸得榮親
九重錫類真千載
八座承恩只一人
共仰外門流慶遠
喜同介弟寵光新
兩家盛事人爭賀
和氣薰為臘裏春

題曉上人閒靜軒次適齋韻

我居城郭子居山
兩地相望數里間
我已得閒猶未靜
子雖處靜不曾閒
莫將花與夢相似
只用心如石樣頑
要識箇中真信息
孤雲僧事兩相閑

次適齋韻十首

碁會

歸來鄉曲大家閒
同社仍欣取友端
無事銜杯何不可
有時會面亦良難
少曾環坐坐常滿
賴有主盟盟未寒
琴奕相尋詩間作
笑談終日有餘歡

老態

舅甥身退不為遲
肥遯猶當未老時
東晉雖慚古元亮
晚唐知慕老天隨
公開九秩身方健
我甫六旬心已疲
不敢自言成酷似
復心惟喜兩

相知

晨朝懶起

坐見一翁兩鬢皤只羸曉夢到無何
總涼風透真成適日出事生還更多
足弱已難堪蠟屐齒搖初不為鄰
梭回思螭陞班心處日日奔趨向
駭姿

見客

車轍常多長者臨相過肯笑席門
深暄寒固有三分話臭味還傾一寸
心客至自應閒不厭年來寢覺老
難禁應酬既了無餘事面壁何妨學
少

林

晝寢

才盡甘為世所捐不如高臥了餘年
時逢毀譽心無諍間有詩文手自編
老去已知身是夢閒來更得酒中天
簾深午寂渾無念只與白鷗相對眠

喜閒

投閒時以醉為鄉人既相忘我亦忘
雨足已期南畝熟風清更愛北牕涼
晝觀碧落雲千疊夜看中庭月一方
時撫素琴聊自遣誰能更作鳳

求凰
杜陵鄭老共襟期門外紅塵勿預知近日頗荒
攻媿課多時不見適齋詩竹深荷靜相留處月
白風清偶會時地僻衣裳俱自懶黃冠野服淡
相宜

讀香山詩

詩到香山不計篇相逢佳處輒欣然明知無子
可傳業每遇為文自入編舉世慕名多諷誦惟
公著句得純全胸中相似詩方似一等不為名
利牽

即事

旋插杉枝蔽曉曦緩搖輕箑自融怡調琴不用
求成曲得句何須湊作詩無復趨炎同襜襪但
能尋睡學希夷太倉日糴五升米老矣不嫌人
更嗤

西山

兩岸杉松翠蔭長輕輿連日得徜徉絕憐林下
朝還暮不問人間炎與涼睡起閒情方自樂齋
餘歸路未須忙何時更向月溪去願著青鞋走
侍旁

燕居

大老今居東海濱
燕居晚歲更申申
外生但喜長依教
一笑相從莫問貧
閒裏只將詩作活
酒邊猶有筆如神
乞言授几俱休論
且做羲皇以上人

子成兄年八十六
史子久八十二
舅氏八十八
首會于適齋
次適齋韻二

絕

堂堂中三壽喜
同時黃髮相逢齒
更兒參坐共談宣
政舊風流不許後
生知

間里舊遊能幾人
適齋猶有筆如神
莫言二老升沈異
各現宰官居士身
終

大老今逢... 長依... 遠... 人...

卷之... 閱里... 幾人... 如...



